

四  
行  
集  
仁  
錄

丁亥秋  
陳珪





皇明四朝成仁錄卷三

屈大均原著

葉恭綽校訂

沔陽死事傳

沔陽死事曰馬颺

馬颺者沔陽州州同也崇禎十四年獻賊襲陷襄陽知州議募兵為守有費生者年甚少家貲鉅萬首倡募得人為最知州亦自募兵三百每門團長二人六門凡十二人而委所募兵於團長身與颺各率役屬分行鄉落鼓勵百姓以禦賊比歸賊勢益急沔陽四面環河惟東城陸口知州溝之城有浮橋復火之三月賊至知州閉城與颺分門固

守費生距河而軍擊口不利徒眾因擁費生以逸知州乘  
間亦潛去而颺不知也賊渡左右曰知州去矣盍亦隨之  
颺不可命開門縱士民出而已投水以死據明紀颺死於  
十六年正月

屈大均曰知州不死州同死州有州同口口口馬公一死  
沔陽州至今聞風皆興起

葉縣死事傳

葉縣死事曰劉國能曰張我翼

劉國能

明史本傳云延安人

初為流賊號闖塌天河南巡撫常道立

招之國能性至孝奉其母命就撫崇禎十三年六月平賊將軍左良玉遣國能圍賊於瑪瑙山賊獻忠食盡分其眾四出抄掠不得糧歸者殺之未歸者詣嗣昌降良玉使國能將之前行詐稱糧至獻忠開營迎入國能眾大呼奮擊掃其營壘擒賊妻孥與徐以顯潘獨鰲等送襄陽獄獻忠竄入山中襄陽知府王承曾見獻忠妾悅之故疏其防賊得脫十四年九月國能分守葉縣賊至力戰不支城陷自成謂國能曰爾本故人何為不服我國能曰我肯不肖與

公等為賊今王臣也位居副總兵其可以悼國恩而復為

賊乎因自刎死

明史本傳作賊殺之

其子方八齡自成抱置膝上欲

收養之不從自解所帶小刀自刎死葉縣知縣張我翼被  
執亦死之我翼涇陽人舉人

屈大均曰論者謂崇禎十一年十二年間賊屢挫於秦師  
至強如李自成亦盡失其眾竄伏於崤函之間饑餓於赤  
地之際且事勢不一同黨相讎眾心思降稍稍悔禍此劉  
國能李萬慶王光恩常國安惠登相王國寧等所以去逆  
效順以督撫駕馭得宜且轉而為我用也當獻忠汝才歸  
命之時御之有方乘自成破敗數騎來歸將俘執之以為  
功而寇氛滅矣不幸以事權委之文燦惟賄是求得其碧

玉長尺餘者二珠徑寸者十致降人輕而怨恨之以至於  
甚敗獻忠反時以文燦誅求事狀榜之道塗且曰不受我  
錢者內惟大司馬外惟道臣張克儉而已嗚呼文燦於招  
撫之外絕無長策貪欲無厭遂至傾覆邦家然自穀房之  
叛房明史李自成及張獻忠傳作城自成方以數騎西竄獻忠之梟張亦  
屢挫於諸師嗣昌以樞輔之重奉上方威靈號令一新三  
軍改色一勝於楚再勝於四川蠢茲小醜何不可以尺組  
繫之乃事機失之稍緩謀策失之不行諸將離心兵疲餉  
竭開縣之敗獻忠得志自成亦乘隙而起名城親藩連遭  
屠戮行間銳氣掃地無餘而國變決於此矣嗚呼

...

...

...

...

...

...

...

...

...

...

...

...

...



襄城死事傳

襄城死事曰汪喬年曰黨威

汪喬年字歲星浙江遂安人天啟二年進士歷任刑部郎

中出知青州府事擢登萊道副使明史本傳作登萊兵備副使督學陝

西按察使性英敏諸讞決告令錢穀鉤會及殿最士子皆

自程量立剖決特以廉幹梅崇禎十四年賊李自成并張

獻忠八萬眾萬原作八據徐本改勢猖獗朝議以傅宗龍為秦督特

授喬年兵部侍郎副都御史巡撫陝西明史本傳作總督

識卷七作總督鮑琦亭集卷十與同討賊喬年受命書大

旗曰汪喬年以死報國出入自隨人皆屬目聳異之聞自

成將謀入關喬年率將士馳至商雒廣樓櫓烽堠部署

未定適宗龍至與謀畫戰守喬年送之出關曰公破賊喬

年當率所統為後距

後距鄆本作援

相與忼慨泣數行下宗龍率

李國奇賀人龍與保督會至孟家莊賊伏兵掩擊國奇等

遜走宗龍鑿塹拒守七日援兵不至潰圍出死於項城喬

年聞敗嘆曰傳公死討賊無人矣吾既以身許國不可不

出繫眾心遂誓師至郊襄城父老出迎移軍駐焉復出舍

交綏先是喬年密奉上諭使米脂知縣邊大受發自成祖

父冢自成故憤甚時圍左良玉於郟城聞喬年出厲聲曰

是發我先墓者耶撤郟城圍督眾奮擊喬年一軍盡沒收

殘兵數百退保襄城五日城陷

明史莊烈帝本紀作十五年二月丁巳十七城陷明

史本傳作二月二日喬年入襄城二十七日城陷

自刎未殊被執大罵被賊磔死

事聞詔立祠陳氏曰喬年久歷外任卽津要歲時無所餽遺有以竿牘至者皆峻拒不少狗群小欲中以法然以其名高不果值其撫秦遂以邊才陟總制名為尊顯實假手於賊以快其忿任總制未幾赴援河南師次襄城及旣接大帥賀人龍等久蓄異志皆奔潰去喬年孤軍城守賊以數十萬百道攻之喬年坐矢石間隨機以應殺賊數千人賊憤甚左右泣諫曰眾寡不敵公盍自為計喬年怒奮拳擊之城陷手刃三賊乃被執賊割其耳鼻磔之以死其罵賊之聲至今襄城人猶轟然在耳也祠名忠烈俎豆今勿絕云喬年有才武膂力絕人善騎射擊刺

黨威字振宇神木人以西安參將歷戰功經略丁啟睿器

之崇禎十五年二月督師汪喬年統兵二十萬至河南勦  
賊威以中軍副將從之當是時李自成等凡八十餘萬一  
日十七戰威衝鋒陷陣身被大創意氣不衰賊稍憚之賊  
勢日盛喬年移駐襄城為持久計威與曹文詔以兵萬餘  
衛之張案曹文詔崇禎八年六月已戰賊大修攻具威且  
戰且守城中乏食勢不可支請暫退關中休養喬年不可  
比賊圍急威登城見賊帥旗在南疾引精騎數十出西  
門從間道突衝其營斬左右數十人奪帥旗而還次日又  
率千餘騎出擊當者披靡食盡外救不至城陷喬年被執  
威持佩刀格戰被數創自刎屍不仆者移時時喬年中軍  
總兵馬鳴廉單騎馳救出入賊壘者三歿於陣中

南陽死事傳

南陽死事曰猛如虎

猛如虎者蒙古人也崇禎初與虎大威來降延綏巡撫易其名時稱曰猛虎二將數有戰功陞援勦副總兵十二年三月督師楊嗣昌次荆門立大勦營更戲下騎兵為上將營以如虎將之分勦流賊於楚蜀十三年十一月賊羅汝才過天星入蜀張獻忠合營安岳諸總兵左良玉賀人龍李國奇張應元汪雲鳳張奏凱等會師於夔州督師監軍萬元吉以諸軍進止不一宜立大帥以統之乃以如虎為正總統應元為副總統兵發保寧趨綿州分屯要害如虎至安岳選驍騎逐賊元吉與應元屯安岳城下十四年正

月獻忠走達州嗣昌檄諸軍追躡人龍頓兵廣元不進如  
虎率諸將及賊於開縣日暮雨作諸將請詰朝進戰如虎  
曰明史本傳作劉士杰曰自瀘州逐賊馳驚四旬僅而及賊今及賊

不戰何用求賊請為諸軍先登揮戈而前賊披靡獻忠望  
後軍無繼以精銳繞山谷中出官軍後馳而下諸軍先潰  
如虎子先捷戰死如虎突圍而出三月嗣昌自經死元吉  
部署行營命如虎駐蘄黃以防獻忠東送二月李自成大  
合群賊圍開封陷歸德左良玉自襄陽進師次南陽獻忠  
等將北向如虎扼之於德安會疽發背退屯承天十一月  
自成破襄城遂圍南陽城陷按襄城死事傳作十五年二  
月襄城陷明史本傳作二月  
襄城陷十一  
月南陽陷  
唐王遇害如虎死之大威後為總兵戰死山

西當如虎死時有劉光祚者字鴻基

明史本傳云  
榆林衛人

以父國

鏞廢授官積功至保定提督

明史本傳作  
保定總兵官

三關總兵隨嗣

昌勦賊過南陽唐王留守郡城自成兵數十萬攻之光祚  
血戰七晝夜力盡死之贈太保賜諭祭

卷之四

...

...

...

...

...

...

...

...

...

...

...



通許死事傳

通許死事曰費曾謀

費曾謀字耕道鉛山人大學士文憲公宏之從玄孫也家世傳臚者二已成進士者六舉人七餘登臚仕者甚眾曾謀以五經應貢廷試第一文章奇奧有聲崇禎十四年知通許縣賊自宛趨汴所過屠滅郡縣皆望風下曾謀至任甫月餘賊以萬眾薄城曾謀執矢登陴晝夜捍禦乃屬其父老曰糧食且盡事去矣事字原缺據徐本補徒死守貽若屠無益也我生不能全若我死而若全矣父老哭留弗得正衣冠北拜懷印入井中以死城陷賊得其屍葬之邑人為之編素一日

屈大均曰嗟夫城之與民有可捐有不可捐有時城重於民而與之効死弗去有時而民重於城則捐城而以身殉之通許地非衝要令死而民得以生亦仁人之義也夫

登封死事傳

登封死事曰鄔廷誨

鄔廷誨閩人。繇歲貢。知登封縣。崇禎十四年。賊至登封。廷誨揮百姓出城。與一僕登陴拒守。謂賊曰。知縣願以一身代百姓賊義而釋之。相戒無入。百姓尋反。異縣亦皆來集。以為安堵。邾縣土寇聞之。夜潛入城。屠之。執廷誨。索金。廷誨曰。吾身不能代百姓死。死有餘辜。今百姓已盡。吾生何為。吾有金求貸。百姓死耳。不以貸。一身也。賊殺之。典史王大璧會稽人。與之同死。

屈大均曰。一身代民。斯語良悲。已可感天天。忽悔之。匪天悔之。蓋天之惡生而好殺也。亦有時噫。有劉禪者。禮原作謹據明

史本傳改 中部人崇禎十四年以舉人知登封時大盜李際遇

申靖邦募布四鄉鄉本檉練死士百人且戰且守賊不

作野

能近十六年逆闖陷城闖下原有賊死之贈按察司僉事

字據

新鄭死事傳

新鄭死事曰劉孔暉曰談王道

劉孔暉字默菴廬陵人

明史本傳作邵陽人

天啟元年舉人崇禎十

年會試中乙榜教諭龍陽

龍徐本作新

十一年應雲南聘分較

書春秋十三年以巡按御史林鳴球薦授新鄭知縣會襄

陽變孔暉間道至任集紳士商議修城濬池練鄉勇嚴保

甲為防禦計賊以百餘騎窺城孔暉率兵追殺之土寇王

洪等鳩通李際遇惡黨抄掠村寨孔暉遣兵捕斬頭目平

之十二月九日賊眾逼城呼獻官獻印免屠孔暉厲聲叱

曰逆賊敢出此言官印即我我守則死守戰則死戰次日

賊大至人無固志有豪紳縋城而下孔暉親執斬以狗被

矢傷臂墜城絕飲食者二日百姓環跪泣進飯少甦二十

一日復督丁壯先驅殺賊賊遂去十四年正月十日賊引

眾萬餘來攻城中矢石俱盡孔暉誓死以守徐本作孔暉與訓導談王

道死遺書報父母投筆出禦賊賊字原缺執之見印繫

肘間先折其臂取之徐本無先字至朱仙鎮罵賊以死年五十

有三隨行馬快馮三立亦罵賊與家僕劉廷徐本無家字廷作庭門

人鍾寬楊芳皆從孔暉死事聞詔贈孔暉尚寶司卿廕子

入監

談王道字對揚六合人崇禎十一年歲薦任新鄭訓導歲

大侵王道為粥糜偕其長子躬哺飢者存活甚眾十四年

春春原作冬據劉孔暉傳改賊大至劉孔暉時得痿病王道協力城守

不避矢石賊環攻不下以五牛拽紅夷大礮擊之城應聲  
碎王道踞城東樓連被數矢墜城賊執之索印罵曰此朝  
廷寶物

寶原作家  
據徐本改

賊欲何為賊怒殺之





舒城死事傳

舒城死事曰胡守恒

胡守恒字吉雲一字見可

鮑埼亭集外編卷十二胡吉雲傳作字見可別字吉雲

舒

城人崇禎元年進士歷官翰林院編修十四年省親家居

十月賊張獻忠攻舒城十五年三月

鮑埼外編本傳作正月

獻忠合

回革諸賊復攻舒城舒城時無知縣參將孔廷訓

廷鮑埼外編胡

吉雲傳作庭明史趙興基傳及明李北略卷十八同此又參將明史趙興基傳作遊擊鮑埼外編胡吉雲傳及明李

北略卷十八同此

以兵千人與守恒率民拒守七閱月廷訓降於

賊勾賊攻城守恒與舒城人益死守賊以洞車穴城穿者

數處軍民復補塞之賊射書脅降守恒燔其書不答踰月

城陷

明史趙興基傳作張獻忠三月攻舒城踰月城陷明季北略卷十八作四月初三城陷烈皇小識卷七亦

作四月 罵賊賊刃其腹被數十創以死詔諡文節

文節結 琦外編

城陷 本傳作忠節明史 趙興基傳同此

獻忠屯舒城改為得勝州令廷訓攻霍

山五月甲戌獻忠襲破廬州知府鄭履祥死之訓導汪之  
楨率諸生巷戰死六月獻忠略含山巢縣襲陷廬江屠之  
還兵舒城

臨洮死事傳

臨洮死事曰趙應桂

趙應桂不知何許人任臨洮府推官崇禎十五年五月為  
閩將所執罵賊而死陝西巡撫孫傳庭上其事與經歷韓  
永祥並請贈卹臨洮今有祠祀之

御製五言詩

御製五言詩

御製五言詩

御製五言詩

御製五言詩

御製五言詩

御製五言詩

御製五言詩

御製五言詩

御製五言詩

御製五言詩

御製五言詩

歸德死事傳

歸德死事曰王世琇

王世琇字崑良清苑人崇禎十年進士為歸德推官十五

年八月

明史莊烈帝本紀作三月丙申

賊陷歸德世琇率鄉兵與亂卒搏

戰

世琇二字原缺據徐本補

為亂卒所殺沉其屍先是世琇俸滿已轉

工部郡人詣闕訟留未十月難作今遺黎言王推官

言徐本作

念駟本

猶為之流涕云



貴州死事傳

貴州死事曰張耀

張耀字融我一字聚五三原人以萬曆癸卯舉人知聞喜縣陞南京戶部主事絲郎中出知鶴慶陞按察司副使備兵金滄道轉四川右參政分守保寧轉貴州左布政歷官多治行精明仁愛所至有循卓聲崇禎十五年秋賊張獻忠繇湖南入蜀貴州危急耀奉命日馳四驛赴任請於巡撫亟為守禦之計巡撫曰彼眾我寡且黔人從未知戰戰則委羊於虎守亦以卵觸秦山奈之何前路某某皆去去皆保全我等今為生臣方可制彼死賊毋徒張我空拳櫻彼兇鋒為也耀正色曰不然有若輩之生不可無我輩之

死朝廷今者求死臣非求生臣也巡撫笑之耀返署戎服  
執戈率家健數十人登陴賊至未及合圍城已陷耀巷戰  
手刃數賊賊執以見獻忠耀曰我布政使三原張耀也獻  
忠起立禮之謂耀曰公吾秦人也吾甚重公才德若降當  
居宰相耀奮罵不屈賊械其家口三十餘人於前曰降且  
免一家人死耀罵愈厲賊割其舌支解之三十餘人皆死

明史本傳作並殺  
其家屬十三人

屈大均曰予嘗至三原見張公諸子得死事本末甚詳因  
為挽歌以弔之辭曰貴陽城崩諸巷戰布政張公奮刀箭  
手提銀印血糝糊冒陣一呼天地變賊憐神勇欲降公秦  
山自擲鼎鑊中奮罵一軍皆辟易舌若電光不敢食丈夫



羞與賊同生妾媵歡然爭死敵願為良臣安可得殺身成  
仁亦何益腐肉如山魂袒裼白晝賊中猶盪擊公喜著書  
窮源決委以條貫乎百氏有碩寬堂枕流別業諸集以死  
事其文大為秦人所貴



汝寧死事傳

汝寧死事曰王世琮

王世琮字六端一字仲毅

仲毅本作端毅明史本傳作發

達州人年十歲

補弟子員天啟四年舉於鄉崇禎十年以會試副榜授汝

寧府推官蒞任甫三日賊猝至世琮請為監紀出奇却賊

賊射之貫耳不動屢戰益力人因號為王鐵耳十二年分

考浙闈轉通州知州崇禎得報驚曰天中舍王公誰與守

者請於朝復留三年旋以軍功陞汝南兵備道僉事

鄒崇三朝

野紀作分

賊聞王鐵耳為兵備益畏憚之會賊勢日劇豫

中無復堅城有藩封之所賊必悉力攻陷汝寧圍既數重

四顧援絕城遂拔世琮不屈以死百姓求其屍得於城南

雲里店巡按御史上其事贈卹如例李長祥曰賊薄汝寧  
歲三四皆却得無恙一日賊大至有巨賊自稱汝寧人沒  
賊久矣願歸也呼城上人世琮曰何不卽入城乎其人遂  
縋而入無難辭與世琮敘子民之誼甚篤世琮大喜設酒  
相嚮飲其人亦大喜遂言有鐵騎五百當率之來歸歸則  
圖殺賊自効也世琮又喜久之告出旦再來世琮窺其詐  
計旦來則擒戮之旦果來益深自結納為私人無所顧忌  
世琮目力士皆莫前蓋其人壯矯敢大言氣勝力士倉卒  
皆意亂莫知措手世琮急乃自拔佩刀呼擊之力士因共  
擊之乃死世琮怒斬力士數人尸城堞上示賊賊相顧驚  
愕竟整隊去自是世琮負威望湖廣巡撫宋一鶴敗死朝

推世琮巡撫時十五年壬午也世琮方待命賊李自成大  
盛有眾五十萬羅汝才以兵附之益盛秦督傅宗龍保督  
楊文岳以朝廷重兵皆潰敗於新蔡之孟家莊隨屠項城  
乘勝壓汝寧汝寧莫支城竟陷世琮被執見賊首賊首曰  
汝王鐵耳耶世琮偉狀貌負才而豪縱一耳缺人畏重之  
呼為王鐵耳鐵耳者缺耳也賊皆憤前遂死此句疑崇王  
遇害保督楊文岳知府傅汝為通判朱如寶如明史楊文  
岳傳作國  
汝陽知縣文師頤並死之賊拔營繇確山泌陽向襄陽挾  
崇世子以行閏十一月十五日也



河間死事傳

河間死事曰顏胤紹

顏胤紹字廣明復聖顏子六十五代孫也世居曲阜陋巷里曾祖重經祖從麟父弘化皆以齒德為林廟舉事胤紹少孤讀書能自振拔崇禎四年舉進士知縣鳳陽鳳陽為高廟發祥地而凋敝特甚胤紹多方撫卹一年增戶萬餘尋調繁江都會流寇橫行江淮窺揚州急胤紹與參議鄭二陽知府韓文鏡治兵修城為戰守計賊知有備卒不敢逼上降勅褒之云廣陵南北咽喉江海魚鹽為軍國府藏資其綢繆幸以安輯其自此廣陋巷之業究為邦之譜朕於爾有厚望焉欽哉九年分考南闈得吳易胡士瑾兩人

易明史本  
傳作易

後皆以起義死人以胤紹為知人行取入都累

試當改官翰林時武舉陳啟新者以言事稱旨為吏科給

事中夙慕胤紹名欲與結納上方諭百官戴暖耳百官皆

以貂啟新獨以布絮上問之曰

原缺曰字  
據鄔本補

臣不通請謁故

貧胤紹以其面欺受謁卒不報啟新憤甚遂劾行取諸員

多大吏私人俱罷歸胤紹亦左遷廣平經歷會敵兵大舉

入關所向摧陷畿輔間日相驚擾吏部請以某為邯鄲知

縣上曰邯鄲畿南重地

幾南鄔本  
作畿內

非練習兵事者不可

本作馬

因問前守江都者安在遂補邯鄲時胤紹已棄官歸

里聞命瞿然曰吾向過邯鄲其城一土阜耳無長吏必不

能支是我負朝廷也即日促裝就道預傳邑人士大夫集



城上卽譙門中蒞任曰吾晝夜兼程期與趙人同死今聞敵兵達城尚可四五十里倘邀天幸假以三日訓練則此城可保無憂但與諸公約須按軍法而行違者立誅眾皆稽顙流涕許諾卽夜部署守禦又募勇士數千人以原守備張執塘領之開公帑取金賞賚守者不從亂紹曰此城失守府藏尚為朝廷有耶竟出金易錢萬緡一夕而盡夜有兩生私以索繫璫亂紹集眾數之曰汝受國家豢養乃欲倡眾逃耶拔佩刀斬兩人頭以徇眾皆悚慄用命越三日敵至驚曰向過此城數里已聞人譁今惟有雞犬之聲城中其有異人乎留攻三日不克執塘乘間數出多所殺傷敵遂解圍北去時臨洺關沙河縣俱陷群盜乘機竊發

焚掠村墟執塘往擒數人比至則填目箕踞曰吾高總監  
步兵也胤紹鞭之至百列其罪狀聞於幕府時太監高起  
潛握大將軍印總督諸軍稱督師總兵官皆戎裝披執以  
見軍氣為之不揚其部將侯拱極者與敵鏖戰數績起潛  
遂劾胤紹阻撓援師以致轉戰隳敵有旨勅撫按嚴訊邯  
鄲民空城出走將詣闕極陳督師欺蔽狀胤紹力沮之乃  
赴撫按訟冤撫按屢為覆奏始從薄譴鑄三級從徐本  
作得除  
守城功不敘執塘亦被笞辱胤紹憤求歸會真定西山多  
盜以趙王命往捕之掾甲將戰賊曰聞顏邯鄲且至今安  
在乎胤紹自指曰顏邯鄲至矣賊皆投戈下馬曰我曹恨  
不生為邯鄲民公至必能活我一時降者以千數數日悉

平以功除河間知府十五年閏十一月敵兵再入抵河間  
急攻亂紹縱火具焚其衝車會風反吹火延燒樓堞城上  
人多死亂紹知不可支歸署集家人一室環薪焚之火烈  
亂紹朝衣朝冠北向拜躍入死之上聞嘉悼不已敕撫按  
覆狀優卹會國變遂寢長子四氏學生員伯璟字士瑩當  
河間陷時與弟伯玠在兗州敵至亦登陴拒守比城陷伯  
玠掖之以行伯璟曰同死無益弟亟去猶可生全也伯玠  
不肯釋手伯璟給弟他顧自投睥睨下伯玠俯視慟哭矢  
及其身而卒伯璟仆地傷左足邏卒得之見其修髯廣頤  
狀甚偉不敢加害車舁以告其帥昇徐本作駕帥驚曰吾略地  
以來未嘗見有此人問之則復聖之後遂延之坐留帳前

聞有一婦為邏卒所驅不肯行卒反刃擊之臂折猶罵不  
已卒殺之墻下有媪過之指曰此顏氏婦也伯璩曰得非  
吾之婦乎請於帥至墻下視之果然時刃傷已四日矣息  
猶未絕蓋魯府鎮國將軍頤墊之女

頤墊鄆本  
作頤墊

封縣君朱

氏也伯璩日念其父帥曰兗州破時河間之陷一月矣伯  
璩聞之長號力請於帥帥護之出營積日不食或為盜賊  
所執慷慨與語得釋卒達河間哭其父盡哀初亂紹之自  
焚也幼子伯珣年六歲其僕呂有年奪之出火途被流矢  
死伯珣走匿民間得免伯璩旣捨父遺骸訪得其弟與俱  
還一時論者以胤紹死於忠而伯璩幾死於孝乃朱氏者  
抑又烈婦也昔唐天寶河北之亂

天寶徐本  
作玄宗

常山太守果

卿死之子象明收其父骨東京行求宗屬先姑姊妹而後  
及其子今胤紹伯璟父子間行事一何相類其言如此

屈大均曰顏公在邯鄲時名震畿輔河間保定天津諸撫

臣爭欲得之公冢子伯璟家居夢一人僵卧肢體糜爛不

可識一人指曰此太守公也此覺聞公除河間知府涕泣

不食急奉書極諫不可往奉原作寫據徐木改書達公已在河間正

色曰兒輩欲為我自全計此方百姓將安所逃乎比敵兵

至公率兵守禦紀律嚴人皆恃以無恐有幕客嚴柏齡

者善察休咎密言此城不可居公佯不省而陰使人護之

出城柏齡流涕曰常山平原與今為三矣嗚呼常山平原

信與公而為三也哉信解本作洵



承天死事傳

承天死事曰蕭漢曰沈壽崇

蕭漢字雲濤

明季北路卷十  
九云號象石

建昌人

原注云一  
云南豐

崇禎十年

進士十四年知鍾祥縣十五年十二月閩賊破襄陽乘勝  
分陷諸郡口縣丞王大震與閩賊相距於境閱月勢不支  
知府王璣召其屬謀舍城去軍於豐樂豐樂河也距城九  
十里漢不可留守都司沈壽崇亦不可知府遂與屬棄城  
去棄城二字原缺據鄒本補又鄒案廣  
陽雜記作守備王璣知府王璣降賊賊既渡河漢鳴口  
集胥吏以下曰知縣受朝命牧守茲土義不可行若輩有  
父母妻子義不可去皆曰公不惜死以為國家某等何敢  
惜死而不為公雖公不可為也為公之母所以為公乃以

勇健二十人護漢母出城旦日

明史本傳作正月二日

賊遂陷承天

漢冠服危坐堂上賊帥入從馬上施禮漢叱之賊執以見  
闖闖曰是蕭知縣趣解其縛與之食五日不食令曰得蕭  
知縣降者受上賞有兩生往說亦叱之不食又二日矣兩  
生哭辭陰以剃刀置席上漢曰可矣乃北面自剄壽崇當  
賊薄城時謂知府曰吾留守職司寢園守河非死事也整  
冠服率所部之顯陵城將陷賊分兵先犯顯陵所部逸去  
壽崇罵賊死之是時壽崇以忤宗室削職而代者以賊故  
不至故壽崇仍留守之其死十二月歲除日也

屈大均曰知縣不敢去王城留守不敢違園陵是知縣長  
得有王城留守長得有園陵也噫嘻泗州鳳陽神烈天壽



園陵亦不一矣誰得而有之烈烈沈君與之長在矣



萊陽死節傳

萊陽死節曰宋應亨曰宋致曰孫鳴岐曰趙士驥曰姜瀉里

宋應亨字長元萊陽人天啟五年進士除清豐知縣入為禮部主客司主事歷吏部驗封考功稽勲文選四司陞稽勲司郎中以侍養祖母家居崇禎十五年閏十一月敵陷臨清應亨倡率士民城守萊陽北面單弱捐千金建甕城浹旬而畢敵至獨當一面懸賞購死士斬一級與五十金士皆奮躍士皆二字原缺據鄒本補夜劫敵營斬數級相蹂死者無算敵拔營去十六年二月五日敵從墻子嶺奄至避北城不敢攻旦日繇城東北隅緣雲梯上應亨平巾箭衣驅家僮

巷戰家人勸之易帽不可戰良久家僮死者三十餘人殺

敵亦過當應亨項中一刀被執敵知為宋楷勲也逼令降

令以金錢贖死應亨厲聲大罵敵不肯即殺拷掠窮日夜

遂與其族子致同死致字文玉號九青父繼登僉事兄琮

任金壇知縣金壇明史宋致傳作祥符舉治行第一致舉天啟五年進

士知永城明史本傳作盧城明季北略卷十八作柘城調杞縣定兩大亂析數

十疑獄以最授吏科給事中科原作部據駟本及明史本傳改嘗疏論用

人謂皇上求治之心愈急則浮薄喜事之人愈易飾說而

釣奇皇上破格之意愈殷則巧言孔壬之徒愈易乘機而

鬪捷又疏論禦寇謂勦寇一事地方與行間分任之地方

官主守行間主戰行間不能戰而徒責有司以守即張巡

許遠無救睢陽之亡況今之庸碌乎自今止宜責有司以

守實以愛養為主如招流移活飢民者是責將帥以戰實

以數定為主如滅某股救某城者是時論服其允當丙子

主試湖廣歷刑科都給事中太常大理二寺卿遷工部侍

郎明史本傳作遷太常少卿壬午枚卜會推致與房可壯

張三謨與焉以召對不稱旨又為蜚語所中上疑比私植

黨下三人獄革職歸家敵兵至萊致與應亨經畫守禦及

力不支城陷敵以二人彭縛左右相對拷掠遂嚼齒噴血

罵不絕以死應亨致歷官並有聲績當天啟中山東言文

章者推萊陽宋氏然嗜奇好古其文亦略如諸子書云始

宋侍郎之繇杞縣得考選也與開封府推官張瑤爭互許

其時要路多為宋地而張坐謫官去先以登州之亂死節  
別有傳

孫鳴岐字葆仲父旬僉都御史為南直操江鳴岐繇歲貢  
官至成都府通判敵攻萊陽同宋致守東城城陷與妻張  
氏不屈死趙士驥鄒業士三朝野紀作自字貢澤崇禎十年進士授  
中書舍人敵攻萊陽分守東城魁星樓戰而死皆萊陽人  
也

姜瀉里字爾岷別號謹洲

明季北略卷十八作漢洲

萊陽人禮科給事

中塚行人司行人坡之父也

鄒業行人司行人王漁洋感舊集小傳作吏部考功司主

事敵薄萊陽瀉里率子弟僮奴入城拒守城陷巷戰被執

敵就索金帛瀉里罵曰吾二十年老書生二子為清白吏

安得有金帛飽狗奴腹敵以馬箠捶之

敵字原缺 據鄔本補

旋攢及

刺之而死

旋原作敵 據鄔本改

其季子坡抱父屍慟哭敵縛置營中

夜篝火燔敵帳敵覺鬻殺之瀉里妻及長子折折妻王氏

孩妻孫氏坡妻左氏併瀉里次女先後縊死赴火死採時

以言事迂戇繫西曹聞訃浹旬號慟絕食孩伏闕上疏謂

臣若奔赴故里則臣兄園扉一息

鄔案息原作急 據錢牧齋文鈔萊陽姜氏一門

忠孝記改立斃草土臣欲留視橐籥則臣父暴骨原野長飽烏

鳶臣餘氣僵魂死生無地伏乞皇上付臣法司代兄歸葬

兄得畢命首丘

命原作民 據鄔本改

臣願填尸牢戶若臣兄罪必不

赦請勒限就繫伏前日妄言之辜並按臣今日妄請之罪

鄔案臣字原缺 據錢牧齋文鈔萊陽姜氏一門忠孝記補

天子覽其奏惻然憐之未及

發六月登萊撫臣曾化龍覆奏姜氏一門忠孝請賜優卹  
詔下有司論者以瀉里身無一命之寄家無中人之產徒  
手捍敵橫軀死義家人父子同歸魚爛國家元氣旁薄結  
轡而勃發於一門非偶然云

屈大均曰崇禎初敵兵入畿輔一門殉難者高陽孫氏順  
義成氏與萊陽姜氏為三乃萊陽宋氏則又烈錢謙益嘗  
為辭以哀之曰奴嫫怒兮躡帝疆愷害氣兮薄萊陽騎簇  
蝟兮矢飛蝗雷車轟兮焚輪狂舞衝梯兮羊馬牆趣卷戰  
兮我武揚戴角巾兮裹戎裝領僮奴兮袴襦襦鄒案柵原  
作兩據錢  
牧齋文鈔宗及迎鄒案及迎及原作兵迎  
檇勳哀辭改及迎鄒案及迎及原作兵迎  
兵接兮殺過當刀陷項兮身被創鄒案刀陷原作刃被  
據錢牧齋文鈔改殪



左駢兮縛馬柳

鄒案馬柳原作兩柳據錢牧齋文鈔改

手反接兮口雷破血

噴射兮齒裂崩罵抗辭兮聲低昂目曙星兮炯相望穴頸

血兮注兩囊營塗地兮胸吐芒痛同日兮義士亡

鄒案義士原作

兩俱據錢牧齋文鈔改哀辭原文此下尚有十七句云天

蒼蒼兮日荒荒菜城鞠兮為戰場桐棺裏兮非黃腸屋三

間兮棲破幌有美子兮腸寸傷號襲風兮哭履霜排雲霧

兮叫帝閭請六師兮殲犬羊拉胡昂兮摧天狼烹羣口兮

充臙羹嗚呼哀哉兮帝命孔彰起家祈連兮發卒治葬靈

被髮兮下大荒文天齊兮從國殤成山為看兮勃海為漿

陳余辭兮醉扶桑有

日夜出兮東海泱泱



武昌死難死事傳

武昌死難曰楚王曰宗室盛潮曰賀逢聖等其死事曰

崔文榮等

楚王華奎

華奎原作吳某據明史諸王世表及明史楚王禎傳改

楚昭王六世孫崇

禎十六年五月二十九日武昌陷越十有四日王死之武昌素無備會平賊將軍左良玉以襄陽陷引舟師左步右騎下武昌請於王曰與我十萬人餉當為王保境固城楚可無憂王噤不能應時良玉士馬甚眾蓋自朱仙鎮之敗屯於樊城賊帥惠登相常國安王進忠馬士秀杜應金吳學禮皆歸之以故兵勢張甚糧盡怨王弗恤大掠武昌而去賊逼武昌城遂陷王坐殿角門罵賊賊渠張獻忠曰吾

欲扶王為天子享有天下王意如何王曰天下吾家之天下天子吾家之天子安用若扶獻忠使人上食王却之絕

粒四日獻忠入拜之使與王沉之於湖

湖明史諸王世表楚王積傳均作江

王妃陳氏世子妃程氏第三子妃周氏宮女劉氏葛氏同  
縊宮中烈馬山以死世子先病卒建寧王觸牆死典寶太  
監山西人趙忠或曰趙良臣典服太監襄陽人范承右承  
奉太監河南人李忠及指揮十餘人宮女少內官數十人  
皆從王以死

宗人東安王府輔國將軍盛潮字東利自刎死夫人龔氏  
從之子觀音保年十三乘賊醉卧以佩刀刺殺數人乃自  
刎死崇陽王府鎮國將軍某字德一自刎死東安王府鎮

國將軍蘊燁字才美為武昌生員縊死妻周氏投井死十  
三歲女從之東安王府鎮國將軍蘊錫字鳳廷亦投井死  
華鐵字恭敬與關外居民殺賊數十人投井死宗人夢周  
手刃十數賊乃自刎死

賀逢聖字克絲號對揚江夏人萬曆四十四年廷對第二  
人歷官至大學士為人忠厚卓卓若無所能致政歸崇禎  
十四年四月與周延儒張至發同被召入朝不久以病歸  
當闖獻二賊交窺江漢時議募兵守城而府藏空匱王有  
積金百萬逢聖與諸監司請貸於王王不應徐出高皇帝  
時一金裹交椅曰此可餉軍他無所有也逢聖痛哭而出  
賊至武昌逢聖守武勝門城陷賊見之皆稱賀佛願聽命

於賀佛逢聖勸賊毋多殺於是賊燃香三炷縱百姓出以

香盡為度不及出者悉屠殺之無遺逢聖知不可救乃反

舍衣冠北拜痛哭投王會橋下死明史本傳作投墩子湖明季北略卷十九作投

緇陽橋下先以舟載家眷出墩子湖及城陷因擊舟全家溺死

同日夫人危氏亦死長子某自縊死某明史逢聖傳作覲明逢聖既

投湖門生尹如翁從之明紀同此明史本傳云如翁去歸大冶大冶城破其慷慨而死者如

翁也前萊州府通判王師文罵賊死大昌知縣陳靖之字子

金江夏人繇貢生出宰以清介聞罷歸貧甚寄食於宗室

鼎龍城陷罵賊死貧生熊震馮雲路投水死鄔案雲明紀明外史馮雲

路傳均作雷薑齋逢聖屍經一百七十日不壞僵立水中

在祥龍王府後門柳樹下色如生胸藏烈皇帝所賜牙牌

一一齒用銀鑲猶存弘光元年禮部尚書顧錫疇上其事

賜諡文忠予祭葬廕祠從優

崔文榮世襲海寧衛指揮

明史本傳云海寧衛人世指揮僉事

以功為武昌

參將獻忠既破漢陽武昌大震文榮潛師渡江襲之斬賊數百以眾寡不敵退還眾議撤江上兵守城文榮曰守城

不如守江守江不如守漢圍風鴨蛋諸洲

明史本傳作圍風鴨炭鴨蛋諸

洲烈皇小識卷八及明季北略卷十九作磨盤煤炭諸洲

水淺不及馬腹縱之飛渡而

嬰城坐困非策也眾不從五月五日賊果從圍風洲渡

烈皇

小識卷八明季北略卷十九均作從煤炭洲南渡

攻武昌縣入之去省城百里賊

大營尚在江北會募兵官張其在以罪被笞

鄭案其在廣陽雜記作以

走投賊盡輸虛實賊從鴨蛋洲畢渡先驅至華容鎮遂

薄城文榮力禦之小有斬獲賊轉攻武勝門監軍道王良

基

明史崔文榮傳作  
監軍參政王揚基

推官傳上瑞遜去城遂陷文榮躍馬

持矛大呼殺賊賊攢槊刺之洞腋死

腋明史本  
傳作胸

先是賀逢

聖倡義捐貲募兵僉謂宜募土著適承天德安潰兵東下  
乃盡募之為軍以長史徐學顏領之號楚府兵二十九日  
新募兵為賊內應遂開門納賊學顏與賊格鬪斷左臂右  
手持刃不仆賊支解之通判李毓英武昌知縣鄒逢吉自  
縊死操捕都司朱士鼎戰手罵賊操捕都司明史文榮傳  
作巡江都司烈皇小識

卷八作  
遊擊

賊斷其一手自刎於寶安門死賊大括居民男子

十五以上二十以下者收為兵餘盡殺之持刃者手不能  
舉乃開漢陽門以鐵騎圍之盡驅而沉之於江凡三日浮



屍數十萬水幾不流其茹刃死者亦至百萬後督師何騰蛟聚骨而葬之題曰忠義塚

屈大均曰嗚呼我朝藩封之事有兩失焉始也宜削其兵柄而不削致易位於同室末也宜授以兵柄而不授致土崩於逆賊夫強幹者弱枝而披枝者亦傷心所以待維城安懿親者可不兼講乎哉曩癸未秋有梁以璋者嘗上疏請太子撫軍南畿繫屬天下人心擇宗室賢才分建要地而招徠山東河北河南諸處保若自固之民重督撫之權倣唐方鎮遺意執政厄其議不行夫以太子出撫南京如宋康王故事而分諸宗藩以為方鎮各守邦城俾指臂相使親而有權其為力必厚其亦賢於諸臣持門戶以誤封

疆養寇讐以自私利借招撫以欺朝廷反為國家之賊者  
多矣嗚呼秦為宗國晉楚大邦赫赫諸侯王尊重無比乃  
不如彼貂璫刑餘者猶得統領禁兵指揮諸將生殺予奪  
一惟其心之所欲為徒以天府之國磐石之宗文之昭武  
之穆伯父叔父之親盡使之束手自殘供人刀俎可不為  
大哀乎哉楚王之死猶慷慨不失體賢於秦晉降賊者多  
矣

長沙死事傳

長沙死事曰蔡道憲

蔡道憲字元白號江門晉江人崇禎十年進士推官長沙十五年秋鄖陽巡撫王永祚聞賊將至走荊州十六年正

月二日承天陷巡撫宋一鶴總兵錢中選死之

明史宋一鶴傳作守

陵巡按御史李振聲

總兵官錢中選皆降永祚挾惠王復走長沙郡人畏禍遂

諱而去之

去歸本作逐

時知府堵胤錫入覲而同知通判皆衰

暮庸人獨道憲為郡人所信於是道憲堅執不可謂諸侯失國託於諸侯禮也曩賊圍開封周王悉以國租犒軍故能堅守數月今長沙吉府所封使兩藩賓主同心分壁而守獨不可以張我之聲勢乎奈何拒之久之永祚罷去代

者為李乾德繼宋一鶴者為王第奎

第明史蔡道憲傳作聚

乾德有

官無地改撫偏沅第奎開府岳州五月賊張獻忠自黃州  
渡壽昌遂破武昌屠之沉楚王於江第奎大懼以兵三千  
走長沙郡人又諱逐之曰巡撫楚之的也的之所移矢必  
叢之道憲復堅執不可王明治者吉藩之左承奉也聞河  
北降者皆不死且得尊官謂長沙勢將不保陰與所善協  
副將尹先民謀副將明史蔡道憲傳作總兵官各遣壯士一人詣獻忠獻  
忠得之大喜授以官使還為應獻忠初據武昌有大志既  
聞楚師大集留偽總兵張其在謝鳳洲守城以養子四虎  
駐金沙洲已率大營作浮橋於金口分軍為三一札白羅  
山一屯白石洲一繇嵩洲浮舟師於湖以窺岳州既陷咸

寧至蒲圻岳州震恐沅撫李乾德總兵孔希貴兵道許璟  
率兵二萬守陳陵磯三戰三勝殺賊近萬人賊怒驅其眾  
二十餘萬更番迭休百道仰攻兵寡力不能支乾德璟棄  
去希貴退屯相陰已而亦走岳州陷希貴以巡撫方在長  
沙率所部赴之將與合兵禦賊民又大譁謂賊尚未至而  
援兵之為患乃甚於賊道憲為之調劑約束軍民乃安道  
憲於是上謁第奎請乘賊未至先於要害柵水陸二營扼  
之賊不得前攻必將力疲氣沮我乘其瑕夾擊之必可得  
志第奎弗聽八月二日賊至相陰第奎與兩藩軍於小西  
門而希貴軍水麓洲巡撫中軍趙參將以千餘入軍洲尾  
先民則以其兵合道憲先民門小西道憲門北明治留城

中為吉藩守府布置甫定四日賊至亦分軍為二水軍軍  
山沙磯陸軍軍載家湖皆道憲前所欲柵水陸二營者也  
翌日賊陸軍攻北門不利休一日獻忠自率精銳薄城復  
不利先民亦間出騎謬擾賊賊自渡河所至爭降附無敢  
以矢加嚮者獨長沙與拒忿甚然恃先民為應攻不甚急  
其軍於山沙磯者欲濟江輒為水麓洲我軍所阻以洲外  
有江江外復有洲曰龍沙絲山沙磯溯流二十里始出龍  
洲始得近水麓洲也二十二日賊悉舟兵溯流上勢不可  
遏希貴曰今日必以奇勝之洲東偏有白果林黯密可蔽  
乃伏強弩千餘而躬率兵逐戰龍洲口兵既接伴走入林  
林中千弩齊發賊大劇退走悉舟師追之溯流數里第奎

與兩藩遙望兩軍不辨其為賊而兵驟見我舟逆流以為  
潰敗走湘潭也一時擾亂爭舟而趙參將洲尾一軍亦走  
希貴方追賊出龍洲口望見兩軍皆走急返洲心營復與  
賊戰力憊將不支道憲從城上望之欲遣兵往援先民不  
聽希貴遂血戰而死全軍覆沒當是時賊以舟師拔營勢  
如河決莫能禦微希貴伏弩及洲心營再戰兩藩與第奎  
幾不免既皆潰敗其在城者獨道憲與先民兵拒守於是  
城門自北至小西賊皆屯營其下道憲方按弩下射而先  
民明治已繼城迎賊矣城陷乾德與巡按劉熙祚奉言王  
惠王走衡州道憲被執獻忠好言慰之不屈復令先民說  
降道憲怒甚批其頰有衙役九人從道憲獻忠使九人降

亦不屈乃悉命殺之而磔道憲八月二十六日也年四十

有九四明史本傳作二明季北略卷十九作生於萬曆乙卯九月廿七卒於癸未八月廿六日得年二十有八

又作二十有九其九人者自一至五皆引頸受刃四人者則奮然

起曰主誰收乎請收主而後就死賊亦義之四人者斂積

道憲肉骨解衣裹束葬於城南醴陵陂明季北略卷十既九作理靈坡

畢賊亦不殺四人乃皆自經以死九人者凌國俊凌明史道憲傳

及明季北略卷十九作林李師孔陳賢其六人姓名不傳嘉慶重修一統志卷三百

五十六蔡道憲傳云凌國俊陳世科等九人俱從死弘光元年詔贈道憲太僕寺正

卿明季北略卷十九同此明史本傳作太僕少卿益忠烈廕子知遠入監讀書道

憲博學工文辭所著有悔后集及詩存若干卷

屈大均曰當岳州之陷獻忠謀過湖三卜於洞庭神不吉



投卧大怒斂千舟於湘潭將渡風大作覆其百艘獻忠呵  
曰此湘君湘夫人之為怪也連編載婦女積薪灌油焚之  
延燒四十里夜中火血如晝蓋以報辱帝之二女云於是  
率騎逼長沙先是正月獻忠陷黃梅尋破蘄州屠其城守  
道許文岐不屈死之三月破蘄水遂趨黃州有張以澤者  
集亡命迎賊生員李時榮口馬首降黃人盡逃女子不及  
行賊擇美麗者使平城三日城平指血染磚盡赤乃盡殺  
之填塹五月陷武昌殺人益不可勝計驅而之江江水為  
之斷流踰月人脂厚至寸魚鱉不可食長沙之屠婦女亦  
無一免嗚呼楚之人其皆何辜於天而罹斯慘禍也哉封  
疆之臣守者城破必屠然降者屠亦不免及此惟有慟哭

而已

永州死事傳

永州死事曰劉熙祚

劉熙祚字仲緝號劬思武進人父純仁泉州府推官熙祚天啟四年舉人初知廣東興寧有惠政崇禎十五年考選

授御史巡按湖南十六年十一月賊張獻忠陷衡州

明史莊烈

帝本紀明季北略卷十九均作八月

衡陽知縣張鵬翼死之桂王走永州獻

忠令我叛將尹先民居守自追吉王惠王及桂王於永州

熙祚遣中軍護衛三王走廣西

三明史本傳作二

而已入永州城

守

己郵本作自

城陷熙祚被執罵不屈賊去其衣縛竿首引滿

將射之罵益厲獻忠大怒躍馬起旋又已反加禮貌欲其降使偽官某勸之偽官某者與熙祚同以御史拜烈皇帝

命巡按湖北而為偽兵部尚書者也熙祚亦罵之賊知難

降乃縛之馬尾以馳至死骨肉潰爛猶復嘆血如罵狀賊

隨破各邑

隨縣本  
作遂

湘鄉知縣楊開

嘉慶重修一統志卷一  
百三十二本傳作湘陰

知縣東安知縣陳道壽皆不屈死思宗立贈熙祚太常寺卿

明史本傳作  
太常少卿

諡忠毅

屈大均曰桂王者神宗顯皇帝之子失國後寄薨於梧州  
後以次子永明王立追尊為端皇帝陵曰興陵者也世子  
安仁王先薨故永明王得立粵人擁戴之功得延正朔至  
十有六年然非劉御史護衛於前不及此吁死事之烈又  
其小者矣

道州死事傳

道州死事曰沈至緒

沈至緒字口口蕭山人崇禎四年武進士官道州守備流賊至力戰而死其女雲英率十餘騎直趨賊壘連斬三十餘賊奪父屍歸啟營將再戰賊避之徙於鄰郡湖廣巡撫王聚奎以其事聞奉旨故湖廣道州守備沈至緒力守營陽臨陣却敵斬殺過當佻生授命生作長城死為國殤其贈至緒昭武將軍鄔案夏之卷沈雲英傳作贈至緒副總兵賜祠麻灘驛春秋祀之有女雲英閨房之秀奮其弱臂以呼殘眾求屍殺寇不用城賴誓命哭父如浮江出大復讐以報親肆弭亂以衛國殲敵全軍保疆恢境其授雲英游擊將軍仍代其父

湖廣道州守備領其軍會雲英之夫四川人賈萬策者故  
閣部督師標大勦營都司也奉命鎮守荊州南門賊陷荊  
州萬策遇害雲英因哭辭詔命領軍俟代乞卸巾鞬始扶  
棺橫歸葬其父於原阡遂守不出傭書課塾年三十八終  
焉論者謂其於父為孝於國為忠於夫為節於身為貞洵  
女中之烈丈夫云

永城死事傳

永城死事曰王漢

王漢字子房掖人初名應駿崇禎初兄巡撫應身以薊鎮兵變逮誅漢求直其寃日號哭京師道上語無忌諱坐是褫諸生服因更名漢十年丁丑成進士知高平縣十二年調繁河內時大河以南水奪民稼仍歲旱蝗民飢至父子夫妻相食漢泣請蠲租不報繪為十六圖以籲亦不報漢曰急矣乃釀金增築縣城日傭數千人以食之躬行版鍤活萬餘人時賊李自成張甚堡聚多斬竿樹幟以應漢鼓厲壯士日夜部署訓練之土賊起金城漢廉得其魁擒殺數十人眾遂解散

眾徐本作賊

太行谷有賊遣士潛往攻之賊

苗三仕劫掠盤谷勲掌間偵者至漢方迎春東郊陽為怒  
罵置偵者於獄按轡從容令優人夾道歌且行且飲至暮  
陰勒兵出寇驚相蹂藉俘斬數百人三仕與其兇渠奔天  
壇追之天壇高峻不可陟賊下壘石如雨漢奮勇先登傷  
肩弗避士卒皆冒死攀木緣崖而上遂擒三仕俘於朝上  
嘉嘆十五年二月召至便殿漢奏諸路大帥皆玩賊以滅  
賊為害以賊不滅為利當賊輒潰走反殺難民以為首功  
公行剽掠不受督師節制不畏監軍糾參如賀人龍左良  
玉劉澤清之輩皆跋扈可誅請即斬之以伸國法並條陳  
勦撫大略上色動立拜監察御史使巡按河南監保定楚  
蜀諸軍同保督楊文岳往接開封

崇明史本傳作以試御  
史監平賊鎮標楚蜀軍



與督臣侯恂南援汴又巡撫河南據本傳作八月後事

五月自成合羅汝才之眾復

犯開封督師丁啟睿率左良玉虎大威楊德政兵凡十四營赴援遇賊於朱仙鎮不戰而為濠壘以自備初四夜擊箭二傳諸營忽驚潰自相蹂躪卽賊亦不知為我師也比曉啟睿率五騎奔汝寧良玉踉蹌走唐鄧賊遂圍開封漢檄保定標營都督姜武援勦武血戰七日死之復督諸將陳永福等力禦圍久不下城上人射中自成左目自成憤甚決河九月十七日夜雨大風河自朱家寨南決壞北門及曹宋二門而出南入於渦水高三丈勢如山岳士民溺死者數十萬賊乘勢導河以灌開封遂陷漢露立河干與監軍王燮督舟以渡多方拯救為饘粥以食之所存活者

以十餘萬計賊既退奉命巡撫河南漢大布恩信招撫李  
魁袁時中等賊於是皆以其堡降凡得十萬餘人十六年

九月督師孫傳庭戰劔發憤悉關中驍騎三萬發憤悉關  
本作悉發

將鼓行而東以漢為左右手漢知傳庭能軍亟提新降之

眾分部扼塞為深溝堅壘以障賊與傳庭約為犄角謂中

原掃蕩在此一舉矣會逆將劉超據永城以叛漢往擊之

城既下漢欲撫綏其眾單步入城明史本傳作十六  
年正月入永城為亂

兵所害是夕有星大如斗殞於營百姓哭踊衰衣伏道以

祭者數千人而所降卒十萬餘人皆哭曰王公死吾輩無

所依歸輩字下徐  
本有皆字遂復叛去上聞震悼贈兵部尚書賜祭

葬特祠予世官姜武岢嵐人詔贈特進榮祿大夫左都督

屈大均曰子房王公嘗以蕩平河南為己任謂賊一日在河南則吾一日不可以不在河南公在河南方一載誅討劇賊綏納降附思威已著十萬之眾悅服受其指麾公苟不死廓清摧陷之功功鄔本作勳河南其足平乎陝西不得長有孫督師河南不得長有王巡撫是皆天也當是時朝臣有欲棄河南以委於賊者公至河南而後河南有生氣矣乃不旋踵而公身與河南俱沒豈天之欲棄河南必欲使河南一十七郡胥無人類而後已耶然公不死於寇而死於亂兵死亂兵亦皆為國而死故吾以列於死事傳以鄔本作亦



皇明四朝成仁錄卷四

屈大均原著

葉恭綽校訂

渭南死事傳

渭南死事曰楊暄

楊暄字杏園高平縣人崇禎十三年進士初知渭南縣尋陞兵部主事未離任寇至城陷不屈以死特贈僉事一云萬全衛人與蔡教官同守東門明史本傳作訓導蔡其城舉人王命誥先自成未至十里迎之因開東門以應城破索印不與大罵不屈與蔡俱被殺蔡遼東人

...

...

...

...

...

...

...

...

...

...

韶州死事傳

韶州死事曰王孫蘭

王孫蘭字晚仲無錫人天啟二年進士

明史本傳作崇禎四年 蘇刑

部郎中出為成都知府艱歸補紹興遷廣東按察司副使

分巡南韶道

明史本傳作分巡南雄韶州二府

崇禎十六年獻賊破連州

孫蘭自縊於官署以死其門生毛姓為思舊銘弔之有曰

夫何獻賊逼臨連州失守湯楊繼叛梁化將降堅壁五旬

縱斷指無乞師之計孤軍萬里以捐軀為却敵之謀三呼

殺賊再拜投縲又曰徵兵不來乞糴無力惟有一死足以

退賊





秦宗人死節者傳

秦宗人死節者曰誼眾

眾明史祝萬齡傳明紀均作眾明季北略卷十九作泉

存樞曰存柘

誼眾字明遠崇禎十二年舉人

鄒崇十二年陝西通志作丙子即九年

秦府

之中尉也十六年冬賊李自成陷西安秦王降賊賊僭封

為權將軍長史張尚綱死之

明季北略卷十九作章世綱又作章尚綱

徐應魁

者秦藩護衛旗官也城陷泣勸秦王以國君死社稷王不

從乃奉世子存樞出走比世子為賊所執應魁絕粒者七

日死之於是誼眾曰吾不忍見宗國之亡而國主之為虜

且受賊偽將軍也吾不死且愧張長史徐旗官賦詩二章

投井死

存樞字春夫秦府中尉賊至不食死

存柘字彥衡中十五年鄉試副榜永興王府奉國中尉誼  
斗之子也賊陷西安存柘執義不屈亦投井於秦宗室有  
三烈焉御史金毓峒以聞詔止贈誼眾苑平伯尚綱字闇  
然紹興人應魁久事秦王王最信任死於世子召忽之義  
也王不從其言而降賊東向京師在軍中拜自成為義父  
賊敗後王死遂不可問矣悲夫

屈大均曰吾聞萬曆己未宗人之文秀莫盛於秦有七子  
者善為詩崇禎末六子者先逝而子斗先生誼斗年至八  
十後先皇帝十一年乃卒存柘其次子也顧炎武曰自古  
以來待宗人之失未有如本朝者以文王之明德作人而

用賢常先同姓周公為太宰康叔為司寇聃季為司空成  
王顧命而六卿之長五為同姓周公蔡侯毛伯凡伯之屬  
每見於春秋而與周相終始漢唐而下以同姓為宰相筦  
中書省筦鄒本  
作為不可勝數而本朝庸疏而舍戚內羈而外

親既不得筦仕為吏而復限之於國城之中若無罪而拘  
之者故其不肖者怙侈放僻以為民害而賢者亦僅守己  
潔行學為辭賦以是附於文苑之徒於是舉天子之宗無  
一人焉任國家之事以生草澤之心而召蠻夷之侮寧以  
四海之大宗祧之重畀之於匪族者而不恤嗚呼此亦後  
世之大監也已大均曰嗟呼誠哉是言也夫以明遠春夫  
秀衡之賢使其立朝廷必能正紀綱補闕失在封疆必能

耀威德遏寇讐以無負天子之所使乃不幸運當屯難未  
獲一命之榮遽建湛身之節在三子所以自為則誠無憾  
其如國家自失宗才之用何哉六子者惟燿伯明惟倅叔  
融懷受士簡懷丕長生惟離季鳳誼蒨伯聞與子斗為七  
皆好學能文之君子予至西安聞有青門七子合集求之  
弗得獨三子節烈人人稱道弗衰當賊僭號時咸寧人有  
韓文銓者前河南道監察御史也賊使為太原節度文銓  
大捕宗室以為功得晉府宗室四百餘械送西安一日殺  
之立盡若三子者不死於賊臣之手得幾之先蓋又明而  
且哲者哉

寶雞死事傳

寶雞死事曰唐夢鯤

鯤明紀作現

唐夢鯤字化卿番禺人萬曆四十三年舉於鄉授福寧州學正陞仙居知縣憂去補天台改富川復改分水凡歷四邑精明仁恕皆有政聲富川諸徭怙亂逆拒官軍夢鯤單騎入峒招諭諸徭皆俛首聽命權要忌之謫池州府經歷值叛兵十餘萬自武昌順流而下所過焚掠湖口彭澤皆破陷池州適當其衝縣官缺當事委署池陽鄔崇番禺縣志無縣官缺三字作當事知夢鯤才委署池陽又夢鯤督兵治糧乘城池陽明史本傳番禺縣志均作貴池力守遠近男婦億萬聞叛兵至爭趨入城守者力拒弗納夢鯤惻然下令令老稚入城捐俸米為糜以食之民賴存

治以吏部尚書鄭三俊薦陞寶雞知縣寶雞三秦劇邑有  
以夢鯤年垂六十遠宰巖疆為慮者笑曰為朝廷臣子險  
夷惟命顧安所逃避耶甫至會賊入蜀將取道寶雞夢鯤  
力扼險禦之賊從他道以往未幾李自成陷據西安三秦  
皆失夢鯤以寶雞小邑不能獨完遂縊於署以死事聞贈  
光祿寺少卿賜祭葬

整屋死節傳

整屋死節曰袁養和

袁養和字祥夫整屋人繇舉人知屏山縣獄焚囚出避火  
息盡還獄人皆奇之陞衛輝同知為福藩採木於蜀省金  
數千遷河南知府理河南獄出死囚百餘人陞貴州副使  
豫策知四川奢寇之叛轉雲南參政以疾歸西安陷自成  
疾徵之絕粒而死養和涇陽王徵之友也





延綏鎮死事諸文武臣傳

延綏鎮死事諸文武臣曰都任曰王家祿祿明史本傳及明紀均作

錄嘉慶重修一統志卷二百四十本傳同此曰尤世威曰尤翟文曰王世欽

曰李昌齡齡明季北略卷十九作期明史及一統志卷二百四十本傳均同此曰王學書

曰王世國曰侯世祿曰侯拱極曰惠顯曰惠漸曰楊明

一統志卷二百四十尤岱傳作楊明遠明曰潘立勳曰

尤岱曰劉廷傑傑一統志王家祿傳同此曰劉廷夔曰李應

孝曰馬鳴節節明紀作高明史都任傳及一統志尤岱傳均同此曰馬應舉曰鍾

茂先曰崔重魁魁明史都任傳及一統志尤岱傳均作觀曰賀世魁曰苗青

曰傅佑曰劉光裕裕明史都任傳及一統志尤岱傳均作祐曰李耀宇明史都任

傳明外史尤世威傳明紀及一統志尤岱傳均作李耀曰黃廷政曰黃廷用曰黃

廷弼曰李光裕曰張天敘曰郭遇春

春明史都任傳作吉

曰張雲

鶚

明外史尤世威傳作鶴明史都任傳及一統志尤岱傳均同此

曰張發曰李盛英

曰常懷德

明史都任傳明外史尤世威傳明紀及一統志尤岱傳均作常懷明季北略卷十九同此

曰李登龍曰孫貴龍

明史都任傳及一統志尤岱傳均作孫貴明季北略卷十九同此

曰傅德曰潘國臣曰李國奇曰晏維新曰文侯國曰白

慎衡曰全家欽

欽明季北略卷十九作敘

曰尤勉曰賀天雷

天明史都任傳

及一統志尤岱傳均作大

曰楊以偉

鄒案偉延安府志作煒明史都任傳

及一統志尤岱傳同此

曰李文焜曰李文燦曰徐可徵曰陳義昌

曰沈濬曰沈演曰白拱極曰白含章曰張連元曰張連

捷曰李可柱曰胡一魁

魁明史都任傳及一統志尤岱傳均作奎

曰李胤祥

曰李英曰鍾乾健曰劉芳馨曰姬維新曰尤養鯤曰楊

正韓曰王永祚曰彭卿曰趙彬曰文經國

都任字弘若祥符人萬曆癸丑進士以副使備兵榆林崇禎十六年十月闖賊李自成陷據西安任以延綏極邊重鎮預為守計會延綏巡撫崔源之罷去總兵王定棄城去人心洶懼無固志任與督餉戶部員外郎王家祿涕泣相勸勉以忠義賊遣人誘降即斬以徇偽權將軍汝侯劉芳亮制將軍亳侯李過等率眾十餘萬下延安略地至綏德自成復為手書發金數萬招諭又遣偽將黃色俊等說降於是任與副總惠顯集諸將議參將劉廷傑曰賊雖破陷西安三邊當為朝廷守天下之大勢在九邊而秦有其三一邊之勁甲天下一作當而榆林居其第一榆林雖曠野無

險可阻而左山右水天設巖疆居人氣角立而風騎悍喜  
功利尚武節乃天下精兵之所列朝名將之鄉一鏖戰先  
奪其氣挫其兇鋒乃約寧夏固原三師遞進賊可滅也眾  
曰將軍議是故總兵尤世威曰受國厚恩彎弓援鼓指揮  
三軍有進無退惟世威是任故總兵王世欽曰大丈夫世  
食君恩雙鑄橫飛飛原作死予將戰矣士庶軍餘咸嗔志  
憤激登城罵賊曰我榆古朔方地磽确不毛黃沙四壅居  
人十萬不知耕織三百年來悉仰軍儲以食朝廷豢養之  
恩無以報之橫當千里之長邊力控十萬之強虜屹然雄  
鎮名冠三秦其來久矣鄔本來下有亦已二字今肯為逆賊屈耶眾  
志既定乃以李昌齡宿將知兵署領鎮事城中衢巷聯結

忠義大社習兵昌齡瀝血誓師分汎以守部署旣整乃出  
精銳挑戰頗多斬獲初賊自謂榆中父老皆其桑梓度不  
煩兵力而下不意舉城誓死堅守人無二志賊甚憤恨使  
芳亮過百道疾馳榆林三面倚山一面臨河城北有護城  
郭臺欵貢樓櫓相為聲援賊不敢內薄惟東南山阜參差  
有叢祠數所林木隱蔽賊得依之結營而海潮寺逼城下  
賊乃潛入其中為地穴城中亦穿土截之賊復於沙峯上  
起飛樓與城樓相對矢石交至勢尤急世威自南門出血  
戰於榆楊橋賊逼東城亦繼壯士出夜斫賊營賊披靡十  
二月二十九日初夜賊營徧吹鼗篳將還守綏德請益師  
而城中奸民有起火以應之者比曉賊復環攻城將崩任

急撤屋材為墉補之二十七日晡時城陷

一統志本傳作十一月二十七

日城

士女登屋奮擊飛石雨下刀箭洶涌諸將或自裁或

為賊縛無有一人降者任挺身巷戰力竭被執怒罵不絕以死

王家祿黃岡人舉人當賊臨城拊循士卒分調芻粟甚有方賊至拔健兒小刀自剄未殊眾扶上馬至關帝廟前索所佩刀再到死

尤世威字鳳臺以行伍積功歷昌平山海總兵榆林陷焚家人百口率眾巷戰與諸將被執至西安自成好謂之曰將軍皆勇智宿將共取封侯毋違天命何如世威仰天大笑曰爾本銀川驛馬夫爾敢大言我等朝廷大帥悔殺汝

不早自成笑前解縛世威叱曰驛馬夫勿近犯將軍衣自成怒斬之世威夙有重威能知人嘗薦營卒左良玉於巡撫侯恪恪遣良玉往救大凌河城良玉於松山杏山下連戰功第一遂為總兵

尤翟文字龍潭世威之從弟也為定邊副將

明史及一統志尤世威傳

均作靖邊營副將

勇敢善戰榆林被圍率其徒千人開門出戰賊

為辟易顧見翟文所將皆步卒

顧上鄒本有賊字

相聚復進翟文

力戰而死

王世欽字敬之大同總兵位特進柱國太師威之仲子先籍河南光州後徙榆林少歷戎行以功遷指揮同知清平參將孤山副總兵加署都督同知分管樞營總兵擢山海

關南部總兵官

南明史本傳作左

時年二十八穩重有方略幽燕

老將弗如也時山海關稱雄鎮特設三部以總軍要中部為馬世龍北部為尤世威皆三世名將人畏憚之以功賜蟒服玉帶尋以太師威篤老乞終養歸崇禎二年督家丁勤王至北京解嚴論功將行召用而世欽依子舍不就徵十六年十月倡義守榆林城陷被執自成釋縛欲用之世欽奮罵不屈以死妻高氏投井死

李昌齡字玉川鎮蕃衛人積功至延綏總兵以抗直不合於時落職因家榆林榆林被圍或告之趣亡昌齡曰我叨列大臣莫非國土出將安之嘗與此城池為存亡城破執至西安罵賊不屈被磔死



王學書字忠吾榆林人父保字麟岡歷昌平寧武薊鎮遼東備倭防海總兵多戰功歿於海州學書補世職歷遷宣府總兵轉天津防海總兵以老致仕賊攻榆林學書散其給軍城陷被執罵賊以死

王世國字御寰榆林人父繼任保定總兵加太子少保世國幼歷行陣有戰績累遷至宣府柳溝總兵加太子少保歸里未及旬賊攻榆林世國破家財招套人為援日殺牛羊饗士士皆固守城陷被執不屈死

侯世祿字裕齋裕郭本作懋榆林人以世職歷任固原遼東宣

府總兵加太子少保子拱極字樞策郭案延安府志作字極寰山海總

兵賊至守新添門賊潛入穴城世祿覺募死士縋城擊賊

南門陷父子被執死之

惠顯字晦我清澗人祖之翰嘉靖間舉人通判大同父承芳萬曆間舉人南京工部主事顯初名顯揚以嫌與兄世揚同派因去揚字以自異少薄舉業思効命疆場繇步卒起積功至延綏副將榆林陷被執賊慰之曰若固世家子有武略且為世揚弟能從我當以權將軍相授顯罵之被磔從子漸字碩亭時為撫邊守備亦罵賊死漸世揚子也楊明字魁字榆林人以選鋒積功至山海副總兵移病歸賊至守南門與尤翟文出戰不利城陷死之

潘立勲字國俊漢中衛百戶天啟間武科狀元歷任至榆林右協副將賊至拒守七日夜擐甲不解城陷被執至西

安說之不降令斬之立勲厲聲曰我壯士不死幽暗請就  
大教場以死引頸就刃死之

尤岱字口口官山海關鐵騎營參將時與王世國守西門

樓一統志本傳作水西門城破罵賊不絕口被殺

劉廷傑字若三鄆案延安府志作字三若綏德進士彞鼎之子崇禎十

六年以延綏撫標參將防寇駐綏德榆林陷被執賊欲以  
大將授之廷傑奮罵支解死彞鼎聞之曰吾有子矣從弟  
廷夔為諸生慷慨任俠聞廷傑死疾至榆林收瘞哭曰兄  
死吾何以獨生為祭畢投雲巖閣下死妻高氏撫孤祖仁  
迨稍長一日歔歔泣謂曰我所以偷生者憐汝耳今汝已  
有知識吾將去矣不食數日而死

李應孝字準樓榆林人官西安參將方解印歸城陷令妻  
女先縊率其子搏戰斃數十人矢盡父子自剄死焉又有  
李淮一統志尤岱傳  
云西安參將與應孝皆使妻女自縊各率子挾弓  
及搏戰殺數十人而後死

馬鳴節世襲榆林百戶

明史都任傳及一統志尤岱傳均作參將

城陷聚室中

器環其妻子焚之單騎巷戰殺傷數十人力竭顧視其家  
火勢方烈還入火中以死

馬應舉榆林人為撫邊中軍賊眾薄城被執殺於凱歌樓  
鍾茂先榆林人綏德衛管屯指揮城將陷茂先於宅門編  
置利刃而藏二匕首於蔽膝賊入茂先陽以酒勞賊左手  
捧觴右手拔匕首刺賊賊驚負傷出茂先殺其妻子而自

劉

崔重觀榆林指揮賊至破家聚眾於漢壽亭侯祠喋血質  
神期以死守城陷至家鄣本無至家二字焚其積聚曰毋為賊資

也賊怒殺之

賀世魁榆林千戶從總督某守薊門甫歸會榆林陷出祖  
父承襲號紙置香案衣冠東向拜曰臣力盡矣更着深衣

自劉死妻柳氏從之

原注云一云衣深衣與妻柳氏從容自縊

苗青榆林人威武守備榆林陷同妻凡氏縊死

傅佑榆林衛掌印指揮城陷與妻杜氏縊死

劉光裕榆林人為中軍官戰敗罵賊以死

李耀宇榆林人材官城陷插矢數十卷戰每發應弦而倒

無敢近者矢盡自剄死

黃廷政廷用廷弼榆林人大父演為榆林衛指揮歷官延

綏協守出兵芹河戰死蔭廷政襲指揮使襲字原在使下據鄔本改廷

用廷弼百戶明史都任傳及一統志尤岱傳均作千戶廷用百戶廷弼賊薄城政身當

寇衝中礮而死用弼所傷賊及奪獲火器甚眾城陷兄弟

相謂曰盍從吾祖於地下遂偕死之

李光裕榆林人材官慷慨有勇略賊入趣家人自殺乃自

剄死

張天敘榆林人右營掌口官原注云一作材官城陷自焚困粟乃

縊死於庭樹

郭遇春榆林戎車從營都司善火政以神槍佛郎機傷賊

甚眾城破被執至魚河堡不屈死從之者二十四人

張雲鶚字元舉榆林人以舉人仕至戶部郎中明史都任傳明外史

尤世威傳及一統志尤岱傳均作戶部主事督餉山海關致仕榆林陷不屈死

之子發定邊副將明史都任傳先戰死

李盛英榆林人以貢知太湖縣罷歸榆林陷被執賊欲降

之奮罵觸樹而死

故總兵常懷德一統志尤岱傳作副將李登龍遊擊孫貴龍傳德潘

國臣李國奇晏維新文侯國守備白慎衡全家欽尤勉賀

天雷楊以偉掌印指揮李文焜李文燦教授徐可徵入井

死妻潘氏縊於井傍諸生陳義昌沈濬沈演白拱極白含

章皆罵賊死

張連元張連捷同縊於漢壽亭侯廟李可柱縊於余肅敏  
公祠胡一魁李胤祥則縊於家李英字闇章鍾乾健字體  
元劉芳馨字通宇姬維新字啟口尤養鯤字輔堯楊正韓  
字御寰王永祚字昌裔彭卿字佐宇趙彬字瑞陽文經國  
字口口皆榆林人俱不屈以死商人張禮亦罵賊死而延  
安衛人台元者當賊入城時兩手握大石欲狙擊賊鄰人  
恐禍及縛之回至家不食五日死賊既破榆林盡屠滅之  
以偽權將軍王良智專鎮延綏偽節度使周士奇偽防禦  
使張弘祚佐之以偽權將軍高一功分守綏德州十七年  
春自成下令徵榆林舊紳高惠忠等二十四人赴偽西京  
西京者西安自成所更名者也行至魚河悉殺之而徙餘



民二千人於鄖陽千餘人於四川又將徙其大族以實西

京蓋以榆林俗驕悍人多忠勇惴惴然恐其為變云榆林

既陷賊攻寧夏總兵官撫民以城降攻慶陽三日城陷兵

備段復興一統志卷二百六十三寧州知州董琬太常卿

麻僖僖烈皇小識卷八及明季北略卷十九均作禧死之

賊執韓王屠城去又攻甘肅鎮巡撫林日瑞林明季北略

明史本傳同此總兵馬燝中軍冷維新冷明史林日瑞傳作哈姚世儒副將

郭天吉天大明季北略卷十九同知藍臺州紳羅俊傑死之

時秦隴盡沒甘肅以河為固日瑞命天吉力守峽口賊以

數萬騎來攻天吉與戰不支撤兵還守賊進薄城下乘大

雪下砍而登將士巷戰皆沒於是三邊皆盡無復顧忌遂

長驅入晉

屈大均曰榆林地處沙磧兵與民參半以餉為命俗尚雄

武多將材有氣節視他鎮為最鄭端簡云

鄭本簡下有公字

榆林

地險將士懷忠畏法死無怨言又果悍敢戰不貫胄寇呼為駱駝城人馬見而畏之四方征調所向有功信不誣也

當閭賊攻城時以孤城死守七日夜

孤城原作孤臣據鄭本改

力竭城

崩自將帥兵民以至商賈廝養婦人女子凡十餘萬人無

不慷慨激昂為朝廷而死與寧武關屹然於三邊之中挫

賊於滔天之日秦之風與子同仇樂於戰鬥至是而愈雄

勁焉三百年養士之報於秦臣子見之於榆林見之噫嘻

難矣哉

三原涇陽死節二臣傳

三原涇陽死節二臣曰焦源溥曰王徵

焦源溥字逢源一字涵一

明季北略卷十九  
作字逸源號涵一

三原人萬曆

四十一年成進士知縣沙河調濬縣召為四川道監察御

史以憂歸天啟初梃擊紅丸移宮三案起源溥補江西道

首劾魏忠賢崔文昇李可灼黃克纘諸姦其明綱常一疏

言尤切直忠賢啣之出為鳳廬道兵備僉事

明史本傳作  
鳳陽兵備副

使文昇監視將甘心焉時忠賢生祠徧天下獨鳳陽頽

川之間以源溥禁止不得立忠賢益怒遂請告歸威宗卽

位起副使分守河東會流賊盜起秦晉騷動源溥急募死

士千人為兩營擒賊渠王家印於曲沃又殪紫金梁萬全

斬首萬級賊繇此不敢犯河東巡撫以功非己出匿不以  
聞崇禎五年量移參政守寧武寧武總兵張應昌有健兒  
陰圖不軌源溥偵得四十八人誅之疏聞上賜飛魚蟒服  
銀幣蓋異典云六年陞山西按察使七年以僉都御史巡  
撫大同大同兵火之餘死傷枕藉自代朔以北民苦饑有  
啖牛馬矢者源溥請賑請蠲請屯田鼓鑄田字原缺據翁山佚文輯補  
又上籌邊十議上大喜書名御屏謂近侍曰此欲明綱常  
小焦御史也源溥與從兄源清並貴顯又面鰲故云久之  
與監軍太監魏國徵爭屯糧不合國徵忠賢之養子也先  
是六年秋上以張元佐為兵部右侍郎鎮守昌平國徵以  
司禮太監守天壽山山字原缺據翁山佚文輯補國徵被命即日行上

語閣臣曰內臣卽日行侍郎三日不行何怪朕用內臣耶

朕字原缺據翁山佚文輯補國徵恃上倚任數自擅行多方以誤源溥

欲瘡痍之欲原作若又瘡字原缺均據翁山佚文輯改補源溥又請告歸時關中

流寇張甚源溥乃築四堡縣東縣東原作懸軍據翁山佚文輯改憑高據

險與鄉人為死守計賊以數十部連歲來攻弗拔援據翁

山佚文輯改賴保全者甚眾而嘗以孫督師剛愎高白二將不

和朝廷數遣使督催與賊浪戰不為持重之計為憂十六

年十月督師孫傳庭再戰潼關果敗績西安破陷巡撫馮

師孔按察使黃綱原作綱據翁山佚文輯明史莊烈帝本紀明史本傳及明季北略卷十九改

兵備道僉事王世清死之王明季北略卷十九作黃長安知縣吳從義

衣冠北拜投井死長安人丘從周都司掾也從原作東據明史馮師孔

傳明紀烈皇小識卷八  
及明季北略卷十九改  
當自成僭號以秦王府為偽宮從

周慎欲刺自成謬持屯田冊為獻至端禮門賊覺奪其匕  
首則大罵曰自古豈有盲賊為天子耶賊怒抉其齒以死  
自成嘆曰吾入關誓不誅戮一人今乃殺丘從周也時自  
成方欲偽行仁義費用二三才望以收人心於是以叛臣  
宋企郊為偽吏政府尚書張國紳為偽刑政府尚書鞏煊  
為偽禮政府尚書三人者爭援引秦之名士大夫以媚賊  
自成故知源溥有文武才遣騎要之欲授以三邊總督源  
溥曰吾縱不能起兵恢復亦終不與諸逆俱生不然非但  
有愧馮巡撫王兵備亦何以見從周一小椽乎賊強輿至  
西安自成見其方面美髯儀觀壯偉特起加禮源溥諭以

逆天不祥宜翻然悔罪歸命天子立不世之功膺封侯之

賞群賊欲殺之

群賊翁山供文輯作賊黨

自成不可閉之一室三日旋

縱之歸源溥欲東走蒲州號召舊旅西走西寧連結祁李

二土官

李二土原作二十一據翁山供文輯改

兼羗戎之眾以保河西而圖

全陝奈賊防閑甚密弗得往慷慨歎歎有百二山河尚可

全八千子弟今何在之句自成聞而執之是日大宴縉紳

各與之秦府金銀器皿皆頓首以謝自成問曰今軍需匱

甚奈何

今原作余據翁山供文輯改

有言開鑛鼓鑄鑄便者自成叱曰公

等皆貪吏多金

吏字原缺據翁山供文輯補

今與公等約凡為九鄉者

五萬大中丞三萬監司一萬府州縣長吏半之其以次署

名露及脅之眾皆戰栗署名源溥盛怒髯盡張以筆擲自

成曰瞎賊奴吾安得銀且汝獨不聞王家印紫金梁之事

乎我殺汝渠時汝字原缺據翁山佚文輯補汝始為賊銓草料掃馬矢

耳賊怒支解之年六十有三十二月十八日也自成令曰

有敢收視者族最字原缺據翁山佚文輯補公子之雅公字原缺據鄔本補持刃

行哭於市曰若不許吾收父屍我則自劉自成許之之雅

字大夏驍勇善射乙酉與布衣郭雄麗與布衣原作曾與涇陽人據鄔本及

翁山佚文輯改舉兵於耀州

王徵字良甫一字葵心涇陽人天啟二年進士初任廣平

推官部民為白蓮教所誣徵得數百人寃者釋之又築清

河水開武安河壩有功於郡丁母艱歸補揚州天啟七年

瑞桂惠三王就國供億繁重民苦之徵上啟三王王皆折



節以聽天啟七年下原作眾官皆折魏璫忠賢起大獄搆

舊巡鹽御史鹽原作撫據翁山佚文輯補改舊知府樊房楊顏四人又構

黃山一獄蔓引至數百人吏緣藉為奸利將不可底徵曰

司理天子之執法也殺人以阿媚人死且不敢事若不置

此字疑誤願罷斥忠賢無以奪時大江南北爭建忠賢生祠徵

與淮海道僉事三原來復僉事明外史本傳嘉慶重修一統志卷九十八本傳均作監司

毅然拒之時謂關西二勁崇禎元年登萊叛將劉興治據

島為亂巡撫孫元化薦徵邊才上命以山東按察司僉事

往監遼海軍時徵服未闕赴關控辭弗允至軍數月歸案方望

溪集書涇陽王僉事家傳後作未閱月斬興治恢復金復海蓋諸州會孔有

德自吳橋激變反攻登州徵城守旬餘士飢不能出戰城

皇明四朝成仁錄 卷四 一三三 廣東叢書

陷逆黨重徵不忍害使航海以歸既下獄會赦得釋闖賊  
初起關中岌岌徵歸與邑令募兵守禦繕甲儲饟為桑梓  
計流賊屢攻不能拔賊往來颺忽數千里秦無完城獨涇  
陽三原安堵大抵多出徵與焦源溥方略云十六年冬西  
安陷賊欲大用徵使且至徵引佩刀坐於門以待謂其嗣  
子永春曰子字原缺據翁山佚文輯補賊使至吾必不行當以頸血濺  
之永春叩首曰大人毋自苦毋自苦原作母老據翁山佚文輯改兒今走自  
成所請死以代大人徵曰兒代吾死死孝吾矢自死自字原缺  
據翁山佚文輯補 死忠兒行矣既行徵絕粒不食延至五日永春  
獲釋而歸跪奉湯餌徵曰子之於父當承其志今日之事  
不忍父死是亂父志也揮之又飢三日乃歿邑人私諡曰

端節先生

屈大均曰賊之僭號於西安也舊吏部郎宗企郊為賊進

退人才授官較士舊副使張國紳進拷掠士紳殺宗藩之

議舊磁州道僉事鞏燝進改八股定官秩儀注之議賊分

鄉舉為三等一為弘文院偽館選也次為六府從事偽部

郎也外為防禦使偽監司也秀才亦分二等優等充州縣

長吏次充教官是時涇陽舉人聞而南遁者有張惇馬御

輦三原舉人聞而入山者有周祚昌自南遁以下十五字據翁山佚文輯補

而縉紳則焦公慷慨王公從容皆不污偽命以死若袁公

忠真相繼亦皆人傑也哉死下原作豈非人傑也據翁山佚文輯補改予嘗至

魯橋拜王公祠歔歔流涕讀其諭叛諭遼諭口三書翁山佚文

輯亦空一格當  
係虜或奴字  
死也  
並足餉筭邊三議惜其不獲早用以至於

慶陽死事傳

慶陽死事曰靳聖居

明季北略卷十  
九作靳居聖

曰段復興

靳聖居字叔孔長垣人崇禎元年進士初知濟源縣調萊

陽以廉能著轉潞安府推官內丘王子姓多暴虐

丘原作  
立據鄔

本改掠澤州民婦斃民命民匈匈蠢起欲為亂

起原作午  
據鄔木改聖

居窮訊得實抵其罪會朝廷遣內監巡視各省有牛某者

至山西厚受藩賄取澤州民覆治加拷掠民至數千人起

而詔罵某怒甚遂疏論聖居不宜以深文按宗室縱民為

橫聖居亦上變告具陳中使散法狀詔下陽和巡按盧象

昇覈問象昇直聖居對書獄一如聖居而以聖居越職言

事貶二秩聖居喜曰我去官我志獲伸矣推官上飛變罪

固當誅

原缺誅字  
據鄔本補

且糾劾中官禍皆不測然不以此時極

論使兇暴蔓延殘虐小民其害何所底止我不可以一身一家之故自沮抑也遂抗疏言中官多縱恣不可使在郡

縣辜按小民狀下廷議皆避聖居各省所遣中使以次撤

還於是直聲動天下

動鄔本  
作聞

在庭諸臣咸自以為弗及也

十五年補慶陽府推官明年陞刑部主事未解任十月閩賊破潼關西入秦所過郡縣皆下聖居集眾而言曰賊入關禍不旋踵矣我慶陽乃三邊咽喉此地一失西北潰壤無完土是以全陝予賊也今城隍險峻大有可恃當竭力以捍其衝俾慶陽以西得以稍稍飭武備相為犄角邊境或可保全事不濟則吾以身殉之無他也時倉卒堵禦無

具賊帥劉宗敏統眾數萬遽薄城告以早降聖居裂眦怒罵之賊仰攻三晝夜穴北城下六十餘道蟻附而上遂不支賊誘聖居以官不屈磔之罵不絕口以死有分守道參議段復興者

一統志卷二百六十  
三本傳云陽穀人

當慶陽未陷同聖居誓

死至是自焚其家與聖居同日死之其後慶陽人於交龍寺東建雙烈祠以祀焉

卷之四  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



西寧死事傳

西寧死事曰孔聞籍

孔聞籍字載寰曲阜人至聖第六十代孫舉崇禎七年進士授行人陞南京吏部郎中出為西寧副使十六年冬聞賊陷西寧聞籍衣冠北拜與其妻誥封恭人某氏及家人數十輩闔戶自焚其孫方二歲聞籍以投諸河僕婦救之聞籍提刀逐得將殺其孫僕婦亟以己兒投於河乃免邯鄲知縣顏胤紹聞之

鄆崇胤紹死於崇禎十五年見上河間死事傳是在聞籍之先此云胤紹

聞之未  
知孰誤

嘆曰此真聖人之孫也哉

屈大均曰予與顏夫子第六十七代孫光敏交好得聞至聖後人其生於曲阜者自崇禎以來有忠節臣三人為至

聖第六十代孫有光闕里因為作曲阜三忠節傳又聞復  
聖後人其生曲阜者自崇禎以來有光敏之大父河間知  
府胤紹生漳浦者有鳳陽知府容暄皆能以死勤事為封  
疆義臣因為作顏氏二烈傳曲阜孔氏三忠節者一曰聞  
籍則西寧死事者也一曰聞詩字過庭天啟四年進士

熹宗本紀天啟四年無進士

初任中書舍人改禮科給事中  
外轉大梁

道副使崇禎十七年六月敵兵至棄官歸里尋被敦逼至  
京聞詩佯為青盲上吏部堂階顛仆不起乃免家居擢冠  
野服絕無時製所著帽常綴一崇禎錢一曰聞諫字觀生  
天啟四年與聞詩同舉進士初任行人陞禮部郎中出為  
副使分守河西道丁艱居里崇禎十七年某月有令官民

剃髮聞譟致書攝政王言貴國既得中華當用中華冠服  
有令云孔子聖之時聞譟妄言殊辱乃祖理當正法念聖  
裔革職為民永不敘用未幾卒於家其曰貞璞者未詳何  
處人崇禎間以貢知伊陽縣多方守禦流賊不敢薄城以  
事往汝寧為賊所執不屈死蓋亦聖裔云予所譟皇明四  
朝成仁錄始自崇禎故孔顏之裔其士大夫忠節可錄者  
亦始自崇禎孔顏之裔自周末以來二千餘年代有聞人  
惟此數公未著微光敏吾無以知其行事之卓然如此矣  
崇禎間有三叛臣其首惡為孔有德以先降得為禪王國  
變後道經曲阜欲入謁先聖廟林孔氏宗人闔門弗納且  
叱其冒稱聖裔嗚呼是真能知其先人春秋之旨者哉

...

...

...

...

...

...

...

...

...

...

...

...

...

太原死事諸臣傳

太原死事諸臣曰蔡懋德曰應時盛

明紀作應盛時列  
皇小識卷八作盛

應時明史  
本傳同此

曰趙建極曰簡剛中曰畢拱辰曰張弘業曰

張凝秀曰惠光祚曰申鼎欽曰韓似雍曰劉秉鉞曰馬

負圖曰司鼎曰彭鯤等

蔡懋德字維立

明季北略卷二十作字公  
虞號雲怡明史本傳同此

一字雲怡崑山

人萬曆四十七年進士初任杭州府推官執法嚴平案無

留牘修紫陽社倉陽明保約法立獄盜獄命清獄法比歲

稷通商賑荒皆有程度上官令通省行之著為令行取入

京陞禮部主事時逆奄魏忠賢用事建祠京師禮部尚書

率諸僚謁賀懋德與同官翁鴻業中道托疾歸三殿告成

忠賢受上賞廷臣皆進級有差懋德具揭吏部辭言不敢

無功受賞隨封光澤王差禮畢歸里崇禎元年陞江西按

察司副使

明史本傳作出為江西提學副使

視學政量移浙江布政司右

參政兼按察司僉事備兵嘉湖地濱海賊劉香游船猝至

人心恒擾懋德立明約束為戰守計是時大盜屠阿五擁

眾千人出入湖泖為浙西殷憂撫按臺省連章告變議合

南直兵會勦懋德曰此可計擒也奈何驚擾百姓且兵聲

先聞彼颺而入海與劉香合意叵測矣上官然之一以其

事屬之懋德懋德察知盜窩皆湖濱巨室密致之脅以利

害曰汝能為我用當賞汝死然不責鉤捕但吾遣人至鄉

汝密留之不泄耳窩主悉受命乃召部將授以方略偵賊

所在散健卒為商賈匠工星卜先後至其地分布遠近窩  
主奉命飲食之約日齊發盜沈千斤者阿丑義男也最驍  
勇捕人起擒盜千斤力鬪被傷阿丑奪氣遁有部卒偽為  
曰夫粹抱持之共陷泥淖中追者至遂生擒阿丑撫其餘  
黨盜平督撫上其功於是廷臣交章薦懋德為知兵懋德  
又以浙盜之橫起於捕盜者諱盜又從而養之至於借盜  
殃民民益迫附盜乃立捕盜法捕者不敢為奸嚴保甲重  
窩盜之罰盜無所容絲是小盜亦靖憂去補井陘道甫三  
日改調寧遠遠原作前據  
明史本傳改遼餉不繼懋德以恩信貸諸大  
商如期償之數貸以濟革冒濫選間諜寬文法軍政畢舉  
時山東河南北直失陷名城數十懋德不解甲於松山者

四十七日於寧遠者九日他攻圍一二日者不數計而關外八城無恙兵部奏守城功第一將大用之閣部楊嗣昌貽書問所欲懋德不報於是敘功覆奏自督撫至游守皆進爵廕子謂懋德曾弱不勝任調腹裏用十二年分守山東濟南道濟南新經殘破文武缺人懋德攝兩司使及三道印招集流移撫安反側諸廢墜事畢舉大寇李青山為亂所至騷動懋德勦撫並用兩月盜平十三年春陞山東按察使是秋陞河南布政攝糧儲道時斗米三金人相食催科無以應而闖賊聲言先降服者不征糧民日夜望賊懋德曰此時若急催科是驅民為盜也檄州縣停征抗疏自劾落職七級尋齎表入京遂奉巡撫山西之命上賜



召對問政治之要對曰天下變亂皆繇窮民為盜臣任撫綏當使窮民有食而不為盜上悅賜餼及銀幣極寵渥至山西卽立干城社以招奇謀異勇之士巨寇王口冕王二冕王一鳳等先後作亂討平之寧武鎮將許定國援河南兵薊將任國奇等統兵數千蹂躪晉地懋德且勦且撫亂乃定九月京師戒嚴徵天下兵入援懋德卽日誓眾屈行奉旨扼防龍固諸關本以內禦外今敵入內地反居外禦內所設將皆隸保定真定二撫不奉節制懋德親率標下策應萬山中於千五百里地扼關隘設烽臺布置嚴整匹馬不入境自十月設防至明年五月罷勞憊甚不敢言病事平以疾請告疏留中不下而闖賊已陷河南將窺秦晉

懋德聞報亟起治兵馳河上禦之疏謂賊勢披猖畿輔陷危萬難畫疆自守今日之失正在賊聚而攻我散而守是以處處無堅城請發禁旅並大其保大營宣大二撫與臣合兵尚可背關一戰否則畿輔以西恐成破竹之勢又請發京口運晉口餉連章告急皆不應諸鎮兵無一人至者寧武鎮臣周遇吉亦以餉缺不赴調是時西安已陷而晉中南自芮蒲北迄保德延袤二千五百里僅恃一河為界處處可渡懋德獨力持吾以三千弱卒當數十萬強寇一敗賊於大慶渡再敗之風陵渡三敗之吉鄉渡賊屢犯屢却堅壁守者四閱月是時榆林已陷岢嵐告急太原危如累卵先是懋德請禦賊於平陽汾州間屬巡按汪宗友留

太原彈壓至是宗友馳羽書促歸太原又啟晉王以手書  
敦促謂省會重地不歸救則太原失卽堅拒河上無益也  
懋德乃留千人守平陽千人守汾州自率千人赴太原宗  
友卽出城巡他邑去懋德貽書遇吉約遇吉死守寧武以  
扼其北而懋德死守太原以障其東以俟畿輔援師大集  
遇吉許之賊偵知懋德已離平陽布間諜訛言賊已渡河  
平陽道將以下皆棄城走三日賊不至懼罪乃遣人迎賊  
而平陽陷懋德聞報先率千人赴死諸將難之晉王及官  
吏泣留士民爭擁馬首不得行懋德乃誓眾為城守計而  
宗友反以不守河而歸太原致賊得渡劾之往者懋德多  
移調屬吏易置將帥吏兵二部惡其專權為憾至是譖之

遂奉旨解任聽勅命郭景昌代之未至十七年正月晦賊

遊騎至自成遣人招諭懋德碎其牌斬使懸首堞樓賊憤

圍城懋德力禦之殺賊數千人夜縋壯士發地雷多擊死

自成適往近寺洗浴得免二月六日自成具鹵簿親臨城

下督攻城上發火器西洋大礮殺賊數千傷馬千餘匹賊

梯輒碎其梯肉薄輒鉤而斬之賊少却次日鄒案遇變紀

日明季遺聞作二月十日忽晝晦風沙大作沙張本作雨屋

瓦皆飛賊矢如蝟陣士多死然無退避志有標將張雄者

守新南門與賊通豫伏黨角樓乘風舉火火藥器齊發遂

登城懋德出遺疏投贊畫知縣賈士璋璋烈皇小識卷八

傳及明季北略欲自剄為眾所奪中軍應時盛曰姑下城

卷二十均同此

巷戰救新南門遂扶懋德上馬持矛衝突手殺數十賊至  
水西門懋德躍下馬與時盛至三立祠時盛解帶繫束梁  
之左懋德再拜先賢就縊身輕不卽死時盛脫鐵甲加其  
肩而氣絕王永福十餘人在旁皆自經明史本傳及明季  
北略卷二十均作  
四十六人事聞天子震悼未及襄邱弘光初乃諡懋德忠襄予  
葬祭建祠

應時盛字□□遼東諸生懋德為井陘兵備時盛時在偏  
裨懋德拔之及為山西巡撫時盛為撫標中軍太原陷時  
盛馳歸殺其妻妾及十四歲子曰毋為賊辱也旣從懋德  
至三立祠懋德死時盛再拜之亦東向以弓弦自縊諸標  
丁抱持之急時盛拔刀砍之遂死後祔於懋德祠

趙建極字生同鄭州人

原注云一云永寧人

萬曆四十七年進士歷

官至山西左布政使崇禎十七年二月太原陷迫受偽命不從斫夾之厲聲罵賊賊彎弓射洞其胸殺之先是建極家守王范寨寨破為自成所屠建極五子皆死及太原亡家雙國怨一時並集故罵賊尤烈趙氏一門盡矣

蘭剛中字坦生山東陵縣人崇禎四年進士繇太常博士擢南京兵科給事中十六年十月陞山西按察司副使兼參議督糧道是時賊已陷據西安巡撫蔡懋德駐師蒲州以防西河剛中與諸監司分汎防守剛中得東城以陽和標兵三千之調防省城者驕蹇慮為賊應強之移南門外城中以安李賊數以書招降剛中謂懋德曰賊書不可發

發則亂民視聽乃焚書斬使會平陽副將陳尚智降賊為  
嚮導賊馬步兵號五十萬遂從沙澗渡蒲州破陷明年正  
月李賊掠河東平陽吏民皆降賊殺西河王及宗室三百  
人河津稷山榮河絳州一路盡陷群盜輒起為應所在款  
潰惟汾州兵巡道范士髦擒斬偽官堅壁待援賊既薄太  
原方攻一日而陽和叛兵果以南關應賊裨將朱孔訓牛  
勇戰死會日暮東南角樓火賊乘機蟻附剛中與懋德發  
礮擊殺賊數千賊少却門將張雄降賊為應引賊登城  
剛中向闕拜曰臣力竭矣自縊未殊被執李賊好語誘降  
剛中叱之索印不與遂死一云與懋德立斬賊使及被執  
大罵明日遇害元口復躍起丈餘賊眾驚愕辟易

畢拱辰字星伯萊陽人萬曆四十四年進士太原被圍拱辰以分巡冀寧道僉事分守西城日讀張巡許遠傳不輟城陷被執賊得新刀數十口斫人試之拱辰睨視一刀賊問何為曰吾愛其犀利請以見殺賊笑卽以此刀刃之至死神色不亂為人博雅高才著有息溪集係曜述草蟬雪麗言行世

張弘業字胤吾忻州人父判光祿寺卿

解案判山西通志作泮

弘業

天啟間任山西撫標都司以子凝和官誥封定遠將軍賊攻太原協守阜成門城破徐入樓南邏室其塔從之共理一繩理移時手戰結繩梁間不著弘業顧笑曰爾謨乃公事推之出閉門塔窺窗中見弘業徐解鞵帶腰刀結繩梁



間踐壘石引頸投繩以手爪心前一再死時年七十一妻

趙淑人驅女孫及侍婢八人赴井

侍原作傳據鄒本改

井塞不能容

乃縊子凝秀守北城先死於陣時諸將有惠光祚者罵賊

死有申鼎欽者太原衛人原任平城守備加都司太原圍

急鼎欽與諸弟訣彎弓勒馬以俟城陷馳殺二賊群賊繼

至擊殺之有韓似雍者太原前衛指揮賊至協守東城戰

死有劉秉鉞者太原前衛指揮被執與右指揮馬負圖罵

賊死有司鼎者陽曲人太原前衛千戶城陷語家人曰吾

當死汎地遂戰而死有彭鯤者陽曲人初為生員以父參

將振雲戰歿於邊得廢百戶太原陷持刀立戶內賊入格

殺數人力竭而死有百戶一人年十九提刀逐賊殺數人

乃死有四十六人者於晉王府端禮門戰死陣士死而可知者有曰郭鼎字君調於樓上殺賊力竭罵賊死有曰樊維藩字柱礎城陷陣士擾亂維藩拔劍呵止賊上不屈死曰魏選奇者城陷抵家見其妻為賊所逼奮拔賊刀殺妻並殺賊而死皆陽曲諸生有江民者北城約長率子弟禦賊賊登城搏戰而死於時城中人有盡室投井者

盡原作居據鄔

本改有懸於梁者有盡室自焚者賊令曳屍城外隍深三丈許積屍與之平嗚呼太原之人其以死報朝廷也若此其烈豈非懋德嘗於三立書院講學親上死長之義平日有以激勵之歟

屈大均曰嗟乎太原寧武之變蔡周二公者雖號知兵然

皆不能提軍於外扼險禦賊而徒死守孤城坐失牽制之勢是皆天也秦晉相距一河二千五百餘里之中處處可渡而蔡公以撫標三千東西奔命所請禁旅保定兵及督撫所協防兵將雖屢奉旨然無有一人應者總督余應桂逡巡河上督師李建泰復逗留畿南危亡呼吸之間巡按汪宗友乃以不守河而還太原致賊東渡為蔡公罪奏劾之使蔡公而卽解任出境代者未至節制無人則太原表裏山河其誰與守蔡公毅然曰吾死生之際早決矣卽新撫至吾亦與之同死而奈何去之嗚呼蔡公之死無負封疆宗友能言而不能同捍牧圉人亦有言我明之事大抵壞於言官邲縣之事孫督師得罪於前太原之事蔡巡撫

受過於後所繇以君國與敵也噫

寧武死事武臣傳

寧武死事武臣曰周遇吉

周遇吉號萃菴錦州衛人五歲為虜所掠不知其姓後姓周崇禎四年自滿洲拔歸授寧遠團練把總為人勇健善射性忠信仁慈撫軍馭下能盡得其死力以故數年間積

功官至京營前鋒副將

京字原缺據鄒本補

左軍都督府僉事十三

年松山之捷陞同知總兵官優詔褒獎十月奉命援勦河南於浙川破賊安世王整世王萬有餘人十四年五月於光山敗張獻忠八月於羅山敗李自成又敗其黨生鐵鋪斬獲二千八百級九月邀賊固始戰於歸德斬首二千六百有七閏九月擊賊於山東壽張敗之追及蒙陰及東平

悉敗之斬首二千餘俘其渠朱連李青山以獻十五年正月遷都督鎮守山西提督鴈門等關開鎮寧武十六年四月晉光祿大夫太子太保柱國九月渡河禦賊於神木攻密窳寨黃甫川俱破之過吉自將兵以來百餘戰未嘗敗

與兵行若鬼神賊甚畏憚之十七年二月

明史本傳作正月

賊李

自成大舉出潼關過吉遣副將熊通偵賊通受僞命還說過吉降過吉立斬通於市及其口百人手提通頭拜疏人入感奮太原圍急晉王手書請援過吉馳至石嶺關而賊已破太原先麾指代矣過吉伏兵忻口殺賊數千賊憤益進兵過吉以寧武空虛恐賊潛兵往襲乃引還蓋寧武不破則京師必不可入入而過吉尾其後而大同宣府皆宿

重兵與寧武相犄角口口口口口口口口口口必破寧武乃  
敢東行以故心憚過吉甚賊遂巡於山陰馬邑間數日謀  
屯營朔州以待其釁朔州僉事元某謀知其謀方集眾議  
守中軍魯明遠殺僉事以獻於是賊得朔州過吉有舅氏  
在賊中賊遣特書來招過吉聞之遣人迎斬於玄岡賊氣  
懾過吉乃大告於眾曰先人有奪人之氣賊今以虛聲謀  
動京師自秦至晉無有一矢與爭今我以精銳萬人出而  
據險隘設伏乘其驕悍挫其兇鋒賊必不敢至寧武寧武  
存京師無事矣馬文豸贊之同知吳鏗爭不可僉事王胤  
懋兩持之過吉曰賊已破陷太原忻崞代朔山險皆為賊  
據我而嬰城自守賊必悉眾并力以困我京師之危在旦

夕四方之援不可望此坐而自斃之道也鏐有異志沮之  
陰戒百姓築土塞門遇吉無可奈何乃命楊光隆等分門  
以守賊覘我兵不出喜曰天助我也率偽將尤世祿等二  
十萬人自陽方口入二月己卯分六隊疾攻

六烈皇小識  
卷八作十

遇吉晝夜指揮賊梯碎其梯穴燒其穴城數崩矣囊土石  
補復完以火器神槍擊死賊無算辛巳旦光隆忽中礮死  
陣士驚走賊遂斬東門以入遇吉以數十騎血戰出沒如  
流星當者皆死賊去宣帽以識別見以宣帽卽擊

以字  
疑衍

遇吉身被數矢大呼殺賊自成辟易不敢入而遣騎招遇吉  
遇吉曰退兵十里吾與汝渠相見賊佯退遇吉從角樓縋  
下大呼我周都督也至演武場自成起揖曰大同宣府一



席願以累公過吉大罵瞎賊吾豈受賊偽官者乎所以出

見者欲求一死耳光隆旦明乘城擊賊隆原作明據上文改皆我將

令與人民無與也無與原作無異據鄔本改自成脅以及罵聲益厲被

礮死將士聞過吉死益奮勇民皆巷自為戰家自為鬪矢

及盡繼以瓦石徒手搏擊與賊相蹂躪死血流有聲而過

吉兵亦畧盡妻劉氏西北邊牆人或曰蒙古人善射有勇

力誥封一品夫人率僕婢三百人明史周過吉傳及明季北略卷二十均作率婦

女數登屋射賊賊應弦多死屍相枕藉不得入從帥府後

垣叢礮擊之劉氏與僕婢自焚死文彘錦州人過吉之姑

之子嘗官參將況執有謀在過吉幕府久先十六年冬辭

歸視母聞賊大出潼關遠反誓與過吉戮力報國及過吉

皇明四朝成仁錄 卷四 一四九 廣東叢書

為吳鏞所沮文豸拔刀斫案曰國之存亡在此一舉顧為

人言牽制耶城陷被重傷入劉氏火中死亂懋

亂原作承據上文改

霸州人是日被執不屈同吳鏞死之副將賈廷薦遊擊崔雲王前士呂品貴王尚慎張大選高日光大廳遊擊陳策順天人守備李毓秀八角堡人旗鼓守備李甲河南人堂印千總李世亨寧武人把總丘容等十人容寧化人火器把總二人舉人崔爽生員楊鼎勛鼎樞與光隆弟光玉皆戰死先是賊至代代諸生張令聞令望衣冠哭孔廟飲鴆而死寧武兵民四十餘萬至是死者過半皆忠義之夫也悲夫是役也賊三日中死者三萬餘人自成憤甚曰吾自起兵以來死亡將卒未有多於寧武者使天下得周總兵

輩數人吾事去矣屠寧武而東大同總兵姜瓖宣府總兵

唐通

明史周過吉傳作宣府總兵王承廢居庸總兵唐通明季北略卷二十作宣府總兵王通

監軍太

監杜勛

明史周過吉傳作杜之秩

聞過吉死相繼迎降賊遂長驅犯關

過吉死年四十四材官張效義請於賊瘞之

屈大均曰賊自成之犯秦晉也所畏者惟督師孫傳庭都

督周過吉耳使當日督師不死則潼關百二可保無虞賊

不得潼關敢長驅而問晉陽乎都督不死而出奇制險牽

制兇鋒賊又豈能越寧武而犯京師哉督師之死以朝廷

趣戰使之全軍一擲都督之死以吳同知迫之拒守坐困

孤城嗚呼聞以外將軍制之二公雖智勇絕人不能自專

也身繫宗社之存亡一宜守而不得守一宜戰而不得戰

致國家大事從兩人之身以去嗚呼豈非天哉周公之下  
見賊也欲以救寧武之百姓耳至今寧武之人過公繼城  
之所無不歎歔流涕嗚呼臣死忠妻死義部將廝養市井  
之人不待教戒而咸知共奮者繇其平日之忠信實有以  
感動之也予嘗拜公墓於寧武東門之外低徊而不能去  
弘光立諡為忠武有以也夫

晉宗人死節者傳

晉宗人死節者曰敏泰

秦原作泰據明史本傳及明紀改

曰霞曰慎鉅

曰文衡曰長安曰小二曰慎鏐

敏泰字麓松晉府宗人繇貢生任真定通判崇禎十七年二月闖賊犯太原敏泰時駐龍門請督宣府兵南援未行太原已陷心知其父不屈於賊乃封府庫收圖籍為其父靈位斬衰哭祭已而望闕北拜書小詞壁上有君臣難負五倫須顧之語縊而死

霞某郡王府宗人

鄆案山西通志作陽曲宗室

賊陷太原□□□□

鄆案

山西通志原下有霞

若於井椿曰六字太原府學生員朱霞死此遂入井死

其父慎鉅是秋八月闖賊大殺宗室憐慎鉅老欲釋之大

呼曰吾晉府宗人已盡義不獨生延頸就及賊殺之  
文衡靈丘王府宗人被執曰吾宗侯也賊斫夾勒錢罵曰  
賊吾無錢卽有亦豈與賊賊殺之

長安者不知其名亦靈丘王府中尉太原被圍長安逆知  
城陷跪白其母其母曰死耳宗室之家豈得與賊兩立遂  
與長安之妻妾及弟婦凡十餘人列坐井傍以待賊城陷  
其母督諸婦女悉入井已乃從入及長安入時井腹已滿  
不能容賊出之勒金榜掠數百罵賊以死

小二者亦不知其名寧化王府奉國將軍城陷與其妻酣  
飲使所愛妓四華唱歌侑酒酒罷四華先縊隨與其妻縊  
而死

慎鏐字嗣元靈丘王府審理城陷冠帶祭先人畢送宮眷入廟舉火慎鏐躍入火中其家人同死自敏泰以下凡六人其死皆烈於晉恭王可謂不辱云

屈大均曰太原陷時賊以偽文水伯陳永福為太原防禦永福患宗人繁盛陰令四城偽將分捕殺之八月八日城晝烏大索得一千餘人殺之於海子堰而睢州知州敏漉張秋通判新埭自村中被執桁夾以死與敏泰以下六人者慷慨執義不同噫等死耳若六人則可傳也已當城之陷有樊子英者晉王府典仗官被執以巨磚擊賊帥幾死群賊擁見自成罵以死王德新者晉王府群牧所千戶見晉王為賊所執痛憤投王菊花園井死母李氏年八十餘

聞之亦死瞿通者晉王府儀衛司先令家人盡縊乃以乾  
草自焚死自子英至通凡四人仕於王門已若此況為天  
子大臣哉可與敏泰等並傳矣

鄒本等下有  
六人二字